


地 250.99
38
部三二

奉新縣志

同治十一年重修

第七冊

卷八	人物志一
宏詞科	進士
卷九	人物志二
舉人	



奉新縣志卷八

人物志一 宏詞科 進士

周士延譽於西京楚材見推於南服作楨王國取重鄉邦
地以人傳斯為媿已奉新於南昌為望邑至唐代而稱名
自是以還賢哲挺生風流彌劭

國朝俊乂旁求

聲教漸被瑰奇鵲起科第蟬聯文章朗若日星勳業紀諸竹帛
賞郎掾仕績著循良技擊材官芳垂忠義固漸摩有自亦
地氣使然迺至簪笏傳通德之門章縫表君子之行高軒
過而追芳躅彤管咏而畱清芬斯皆輝映山川彪炳史乘

奉新縣志

卷八

人物一 宏詞科

者也昔陳承祚傳益部耆舊習彥威傳襄陽耆舊皆所以
表碩德重人倫今序次唐宋以來首紀科目次辟薦諸貢
武科封廕應例雜進遺獻寓賢終以列女為人物篇云

宏詞科 按唐制本在進士之上故列於首

唐 開元中

劉春虛

字全乙亦字挺卿奉化鄉人孝友恭儉哲悟過人
時吳競為洪州刺史方直少許可獨高其行改所

居之里曰孝悌鄉以表異之開元中舉宏詞累官崇文館
校書郎與孟浩然王昌齡相友善評者曰春虛詩情幽興
遠思苦調奇永明以來可謂傑立江表者矣 舊志按宏
簡錄春虛附見王昌齡傳稱江東人唐書輿地志無江東
道洪州隸江南道史或誤為江東耳豫章書人物志俱新
吳人林志訛作靖安通志駁正又王士正香祖筆記載春
虛墓在越王山之左坪今城西七十里富溪有古孝悌里
是春虛故居

進士

唐

會昌四年甲子

劉麒 沓虛孫官翰林侍讀

劉麟 沓虛孫官國子博士

天祐四年丁卯

胡誠 字湯老官國子監博士遷侍御史是為華林胡氏之祖

宋

太平興國八年癸未王世則榜

涂餽 字以功號簡齋奉新鄉人

奉新縣志

卷八

人物一 進士

端拱二年乙丑陳堯叟榜

胡克順 字孝若同安鄉人授宋州虞城縣丞簿擢知長社縣歷鄆縣甯遠江甯遷大理丞真宗東封知行在三司糧料院出知潤州改眉州尋召為三司戶部判官乞

外除宣州卒楊億誌其墓初楊州徐鉉歿無子克順葬之西山鸞岡原春秋時祀終身不廢 按香祖筆記云徐鉉

寶臣文集宋都官員外郎胡克順所輯康熙志亦作都官員外郎

胡用之 克順兄子官武勝軍節度推官

咸平三年庚子陳堯咨榜

胡用莊 字敬夫仲堯從子廷試第三人及第幼時父命賦紅蕉援筆立成云謝家池館遇芳菲破綠抽心一

片緋恰似九衢二三月綠羅叢裏著朱衣後解褐借緋除江州通判任滿卒

戴益 字三友號洪溪

涂及 字至中號濟菴奉新鄉人

景德二年乙巳李迪榜

劉拱 原名煒奉化鄉人官兵部尚書

胡用時 同安鄉人官潮州尹

胡順之 字孝先同安鄉人知浮梁縣豪民臧氏素橫率吏至其家掩捕郡遣教練使詣縣入謁甚倨數其罪械而杖之歷青州從事大姓麻士瑤陰結貴侍陵茂州縣會殺兄子事覺莫能捕順之盡得其黨有詔鞠問士瑤論死仁宗初遷太常博士再上宰相書乞太后還政遷尚書屯田員外郎數論朝廷事為范仲淹所知然挾術尚權喜縱橫裨闔以失明廢祀鄉賢

胡用禮 字敬仲同安鄉人官道州刺史

大中祥符八年乙卯蔡齊榜

奉新縣志

卷八

人物一 進士

三

涂會 字朝萬號潔菴奉新鄉人

天禧三年己未王瓘榜

胡用舟 克順子

景祐元年甲戌張唐卿榜

胡真卿 用時孫

胡況 字慶菴用之子官都水監

閔汾 字崑源建康鄉人官工部屯田司員外郎

吳溫 一名淵字伯嘉南鄉人

嘉祐六年辛丑王俊民榜

鄒軻 字幾聖下坊人以薦授江東轉運判官遷知饒州歷官數十年能以清惠自持

胡澤 字民望用莊子任南雄教授

元豐五年壬戌黃裳榜

鄒輅 輅之弟任浮梁令

八年乙丑焦鞞榜

龔弁

王庸

元祐六年辛未馬涓榜

胡晉侯 用時孫官劔南節度推官

紹聖四年丁丑何昌言榜

胡直孺 字少汲同安鄉人初為路州司戶有盜夜殺人督井莫能獲執鄰人疑似者誣服直孺雪之召為九

奉新縣志

卷八

人物一 進士

四

域志編修官時議重貶元祐黨人直孺為之營解遷監察御史出知平江府擢江湖浙發運使入為戶部侍郎金人南侵奏用種師道策議合遷工部尚書龍圖閣學士知南京兼京東道總管金人再犯京師被命勤王期一月可集兵二十萬符方下朝廷趣兵急乃以南京戍卒四千民兵三千赴之至雍邱與金人遇直孺力戰斬首千餘級明日復戰金步騎益眾自旦至午民兵先潰遂見執久之得歸欽宗慰之曰孤城圍閉天下兵至者獨卿與張叔夜耳高宗立赴行在除知洪州進刑部尚書兼侍讀論奏十事上稱善御書文物多師古朝廷半老儒於扇以賜改兵部兼擢吏部卒贈端明殿學士祀鄉賢 直孺合祭天地議國朝配祀至英宗始配以仁考司馬光呂誨爭之以為繼祖尊父然卒不能奪王珪孫抃之諂辭其後神宗謂周公祀在成王之世成王以文王為祖則明堂非以考配明矣王安石所對引孝經嚴父之說惜乎當時無有辯正之者今或者曰后稷為周之祖文王武王是為二祧高祖為漢之祖孝文孝武特為二廟皆子孫世世所奉承者太祖為帝者祖太宗真宗宜為帝者宗皇祐以一祧二宗並配議出於此直孺等聞前漢以高祖配天後漢以光武配明堂古之帝王非建邦啟土者皆無配天之祭故雖周之成康

漢之文景明章其德業非不美也然而子孫不能推以配天者避祖宗也有宋開基創業之君太祖是也太祖則周之后稷配祭於郊者也太宗則周之文王配祭於明堂者也此二祭者萬世不遷之法也皇祐宗祀合祭天地固宜以太祖太宗配當時蓋拘於嚴父故配帝并及於真宗今至上紹膺大統自真宗至於神宗均為祖廟獨躋思於無名並配則幾同於祫享今參酌皇祐詔書請合祭昊天上帝皇地祇於明堂奉太祖太宗以配惟禮專而事簡庶幾可以致力於神萬世行之可也

楊時賜直孺御書扇銘三葉粹玉無瑕至剛不折赫赫聖君使臣以禮前席親賢虛懷不已讜言屢建嘉猷日啟志合道泰若石投水寶扇宸翰頌自上方踴然舞鳳宛如龍翔帝寵既渥臣躬有光爰襲爰篋子孫之藏伊昔太宗師古崇儒野老咏歌質而不諛一時之盛萬世之模君臣相得異世同符

政和五年乙未何棗榜

帥日宣

字遺達北鄉人官湖廣刺史

奉新縣志

卷八

人物一 進士

五

宣和六年甲辰沈晦榜

舒邦彥

字夢達建康鄉人幼從師受書退而嘿然師問之對曰吾默識耳年十五赫諸生甲辰登第除益州府佐累遷湖南撫幹所至勸農桑擊豪猾平冤獄清積逋邦彥與王從言同登第相得王以厚重稱邦彥以才幹顯並知名於時

王從言

字師孟下坊人宣和癸卯領解額第一登第除渠州錄事參軍辟佐湖南帥幕見時政日非引疾歸孝宗朝累徵不就築室山中自稱逸老

紹興二年壬子張九成榜

李三俊

五年乙卯汪應辰榜

李球

字仲光同安鄉人官御史

甘廷珪 字德全法城鄉人任南雄教授

十二年壬戌陳成之榜

劉 獬 字元直奉化鄉人

黃元之 字子新莆田令

十五年乙丑劉章榜

袁去華 字宣卿上坊人知善化縣歲饑郡守督賦方急去

中於詞賦在楚時襄陽帥呂游問欲辟致之不就

鄒 定 字應可慷慨存智畧辟佐湖南帥幕溪蠻為亂白

拜願降晚耽詩有集楊萬里極推重之

二十一年辛未趙達榜

奉新縣志

卷八

人物一 進士

六

陳特立 字致柔弱冠登第授南城尉擢知宜春縣有大姓

憂去邑人罷市相弔再知麗水縣秩滿歸行李蕭然官至

臨賀守祀鄉賢 舊志按景泰志特立父嘉運字季益經

明行修以優行貢辟雍為時名儒特立為枝江令時湘漢

用師沿江郡縣疲於供億郡檄催糧急特立曰民勞甚矣

可復死乎率諸邑言之坐貶

胡嗣立 授從政郎任潭州瀏陽令

二十四年甲戌張孝祥榜

許叔達 字商叟南鄉人授崇仁簿民有尸其子於親屬之

知甯鄉縣賑貸有條時推為一路救荒之最調知宜春卒

生平清苦自持張南軒嘗稱之曰持身冰玉每飯不足高

臥讀書淡然無欲

二十七年丁丑王十朋榜

袁鳳

鳳

字子儀九齡能詩時有神童之目初尉理定其俗相習鬻妻鳳曰夫婦人倫之首可爾耶白府議其禁攝荔浦縣嘗籌民利三事運帥張孝祥喜曰使屬邑盡如袁令吾可臥治矣終衛州錄事參軍

余紹祖

字光裔從善鄉人為澤州觀察推官盜劫海商既獲而窮治不承紹祖募人於江淮間得舊舟示之

盜駭服改知廬陵縣歲旱郡督課不少懈紹祖持告身付吏求去郡將改容謝之秩滿積俸二千緡懸之梁上歸裝書數篋而已尋通判江陵府擢守巴東命下以疾終郡人弔邦佐輓詩有東南官數任來往只單車之句祀鄉賢

乾道二年丙戌蒲國梁榜

胡价

字仲藩同安鄉人知湘陰縣大姓以武斷相高吏不敢問价方按問援者旁午不聽悉置之法諸豪

警服調湖北憲幕參提舉陳謙平蠻戎務价告謙郡縣兵弱請召旁路諸軍遣將分討遂擒首亂及拒捕者數十百人餘盡降价之謀居多擢守大安軍未赴卒祀鄉賢

八年壬辰黃定榜

奉新縣志

卷八

人物一 進士

七

劉吉

字伯琬奉化鄉人永州倅

嘉定四年辛未趙建夫榜

帥應和

字公伯日宣子官豐州判

淳祐十年庚戌方逢辰榜

陰應夢

字謙甫號竹埜進城鄉人賈似道擅政時事日非應夢遂不仕家數百口五世同居子幼邁幼選幼

迪幼達幼适幼遇迪達遇俱中九經童科入元後更號倦翁築聚德樓殫心著述三十年足不履地稱前進士以終

開慶元年己未周震炎榜

趙時侔

字時甫宗室子由新淦尉改興國軍大治尉郡守以築郡城委之帥閩責其不稟命與郡守俱以罪

聞朝廷知其無辜特授廣東連山尉受檄平潮州等處蠻寇有功就知南海縣事祥興元年匡山潰與幼主同沈於海

帥以達

字君興應和從子官廣東轉運副使

陳熙 號敬所下坊人任四川商縣令邑人張顯所作熙傳云熙學博志大精於易明陰陽消長之機以推極於古今治亂動靜悔吝之理擢蘄州教授秩滿遷四川商州迪功郎以母老致仕歸卒年六十七 按舊志云簡縣知縣宋時四川無簡縣舊志因訛而張傳所云商州迪功郎亦有悞

景定三年壬戌方山京榜

袁洙 字幼東去華孫除建昌主簿稍遷餘干縣丞奉檄賑饑所全活甚眾嘗攝饒州判豪民以私憾殺人洙廉得其狀豪懼夜懷金以請不聽竟真於法民有奪孤產者獄久不決洙至一訊而服改鄱陽令以疾卒於官

咸淳元年乙丑阮登炳榜

余炎午 字光伯從善鄉人知漢陽縣以文學才幹稱秩滿當遷安撫使徐安民奏留兼權機密在幕府有武弁恃勢為民害炎午執擬甚堅軍帥莫能奪除靖江府通判宋亡不仕教授鄉里暇日與賓友唱酬吟咏足跡不入城市者數十年有詩稿藏於家祀鄉賢

奉新縣志 卷八 人物一 進士 八

四年戊辰陳文龍榜

舒楠 建康鄉人 按舊志遺今據府志補入

七年辛未張鎮孫榜

鄒蘭孫 號秀谷從善鄉人入元改名蘭國官諫議大夫 按舊志遺據嘉靖志補

元

至治元年辛酉朱本榜

胡鑑 字貴明一字宗愈新興鄉人累官權吏部尙書

鄧霖 字次說號飛鳳上坊人

元統元年癸酉李齊榜

鄧

梓

字文若謙亨子授南豐州判改信豐知縣時脂韋成風吏治寢壞梓獨以名節自勵歷官俱以廉潔

至正五年乙酉張士京榜

舒泰

字尚翁建康鄉人居父喪一遵古禮虞集常云泰

患屏妖崇異政可紀寇難起渠帥慕其才欲致之不從後舉義眾破賊兵為鄰境劇賊所乘泰被執怒罵不屈遂遇害舒泰殿試玉德殿賦緊我世皇之混一土宇也東震日域西壓月窟巨朔漠以雲覆極南海而天豁制六合以爲家奠中國以爲室定京畿於樂土美燕薊而駐蹕於是官闕差峩臺觀盤鬱而玉德之殿尤巋然而突兀爾其班倕運巧臣工獻忠啟梓效珍玉石登庸庶民子來此靈臺而孔亟皇王惟辟視錫京而攸同規畫周密制度穹窿庭宇宏敞門庶玲瓏朱簷迎日以先曙瑣窗漏月而司聰華棖碧玉接慶雲以垂麗丹楹藻悅纈飛霞而爭濃黝聖既備珉玉斯攻集崑荆之異質飭球琳之粹容示華美以鎮邦家表貴重而御宸衷此世祖所以建極而垂鴻業列聖

奉新縣志

卷八

人物一進士

九

所以以續緒而贊化工也夫殿陛斯登天顏溫潤金玉其相帝德廣運粹然純一之無瑕栗然齊莊之罔慢美皎皎以修潔赫明明而璀璨如玉在山而木石蔽其光輝如玉爲寶而士民加於珍玩賢才賴玉成以致用侍臣耳玉音而賜見莫不習佩玉乎禮節垂如璋之令聞此玉德之殿所以近接乎大明自聖代而垂憲若漢之玉堂唐之金鑾皆不足以稱羨也時其春陽煦燠和氣滿堂几席生溫闌檻騰芳御斯殿也則廣布乎德澤俾同沐乎恩光至若炎歊蔽空火雲垂地頓居如焚涼颺靡至臨斯殿也則奏薰風以解愠施青陰而廣被逮夫天高氣晶月白風清瑤階螢度金盤露零登斯殿也則思覆盆之畢照庶物平而弗鳴又如朔墟吹簷積雪窺牖穉穉擁前狐貉列右居是殿也則思顛連之無告施仁而恐後迺闢四門迺視周行迺肅其容穆穆皇皇迺正其儀融融叩叩濟眾感堯舜之猶病視民念文王之如傷益勵精以圖治冀物阜而民康而凡臯夔步武伊呂趨踰時奏言而陳事悉委忠而效良或銓選之是白或賞爵之是將又無不登金步玉而共乎北辰攀龍附鳳而近乎清光也遂拜手稽首而頌曰於赫聖殿斯聳斯翼曷其玉飾維以比德聖德克明如玉斯真不玷不貳渾然天成維德斯馨維玉斯白於萬斯年永鎮

邦國明明天子萬壽罔極

明

洪武四年辛亥吳伯宗榜

黃載

字文博號約齋下坊人官工部主事上書言民間稅間架錢乃元末陋政不宜踵行以彰維新之治詔從之嘗奉監修大工革弊省費人稱其能家居時歲大饑載慨然曰此吾責也即出米一千石以濟邑人感之居官俸精所餘悉置義田以給族之讀書及貧不能娶者年四十五卒於官時論惜之祀鄉賢

十八年乙丑丁顯榜

陳宗禮

字敬伯從善鄉人授監察御史竭忠盡節不避權貴累官戶部左侍郎卒賜祭葬諡忠肅祀鄉賢

建文二年庚辰胡靖榜

帥用昌

字汝用北鄉人官四川南充縣知縣愛民如子毫

奉新縣志

卷八

人物一 進士

十

鄧均受

字可大號敬墀上坊人

永樂二年甲申曾榮榜

胡澄

字景淵同安鄉人官行人司行人

熊本誠

字公實號質菴授廣東翁源知縣以廉能考最擢兵部車駕司郎中為福建參政改浙江歷官二十餘年廉明仁恕所至綽有令譽陞浙江右布政使未任卒祀鄉賢廣東通志名宦熊本誠知翁源時田野荒蕪本誠多方招徠躬臨村落教之開墾經營規畫不啻治家

四年丙戌林環榜

張昭

字清熙下坊人官刑科給事中

邵彥輝

下坊人累官監察御史彈劾不避權貴朝野為之肅然祀鄉賢

宏治十八年乙丑顧鼎臣榜

宋景字以賢號南塘北鄉人知睢州有惠政擢河南道
事丁內艱歸服闋補山西兵備副使時青羊賊陳卿等煽
亂所在饑民相聚為盜汾州介休尤甚景至樹幟下令被
脅者赴之賊咸歸命乃擒斬其渠魁賊平言於朝請以潞
州為府立平順一縣詔從之嘉靖十年陞山東參政尋除
四川右布政使未赴改山西左布政使念太原地瘠賦繁
故多虛稅請募耕農而坐以輕折流民復業者以萬計召
為南京光祿寺卿南京左右副都御史吏兵工部尚書入
為北京都察院左都御史卒景清順和惠練習政事所至
均有善政為南工部時督修奉先殿元祐宮都大工歲省
費以萬計及掌北憲與周恭肅用齊名世廟時言廉潔者
首推焉贈太子太保吏部尚書賜祭葬諡莊靖祀鄉賢
按萬厯志景為總憲世宗議幸承天府景上疏陳四事力
諫一言南方民立異宜難以服習二言皇嗣幼冲不宜遠
出三言地方荒歉民力莫支四言公私告竭當為久遠之
慮語皆懇摯惜疏稿散佚

正德九年甲戌唐臯榜

奉新縣志

卷八

人物一 進士

十一

鄧顯麒

字文瑞號夢虹下坊人幼隨父九思任泉州受學
於蔡虛齋清之門登第授行人司副武宗再議南

巡率同官余廷瓚等抗疏伏闕力諫予廷杖時上閱疏怒
甚詰屬草者以顯麒對命再杖之謫國子學正己卯分校
北闈拔楊維聰明年廷試第一士服其知人擢浙江道御
史上疏請講明聖賢有用之學以圖嘉靖中興之治又疏
言戚畹陳萬言治第撥官軍及差官往蔚州買木俱宜停
免皆從之丙戌奉命巡按湖廣劇盜彭思泉等為亂顯麒
與巡撫黃衷討平之事聞賜金幣有差任滿卒祀鄉賢載
一統志顯麒諫南巡疏奏為懇雷聖駕事臣聞璣衡旋
運而辰極常居其所溟渤靜深而眾水必朝其宗是以天
子即位日登極大君繼世日宗子天地之大義古今之至
理也在昔聖王範圍天地而一念不踰時經緯萬方而半
武不出戶故恭己南面者安享無為之治八駿周流者日
見國事之非肆我祖宗稽古無為每歲惟南郊一行實近
在京畿之內雖間值邊陲之警亦不過命將而征誠知朝
廷乃四方之極君身實萬物之宗用能臻太平之盛至百
六十年之久仰維陛下當鼎盛之年撫盈成之運稽諸舊
章已逾一紀頃以西北少靖親御六飛迅掃妖氛間關半
載維時大小臣工愧無卽時諫止之力而奏凱南旋幸得

攸往夙吉之道臣等謂自今伊始當享泮渙之休而無復
省方之舉矣夫何西征之役方已南巡之命又下臣等驚
悸罔知攸措竊以巡狩之典雖古帝王之制然古之制有
不可行於今猶今之制有不可行於古也蓋古之封建各
君其國各子其民而慶讓之典勢難已於巡狩今之郡縣
屬於藩臬統於撫按而政令之行又皆出於朝廷是不必
泥古之迹自足以成今日之治也矧先王之巡狩省耕省
斂有及民之實惠一遊一豫非無事之空行陛下之為是
舉也將為省耕乎省斂乎竊慮道途推挽之勞皆出於民
力有司供億之費皆出於民財祇恐未有以補之而先有
以傷之未有以助之而適有以害之何必侈巡狩之名而
為是紛紛者乎臣等謹以此行之甚不可者為陛下下一
陳之人情莫不惡勞而欲逸也櫛風沐雨孰與於龍樓雞
帳之嚴涉水登山孰與於桂屋椒房之邃迺舍其逸而從
其勞人情然乎是其不可者一也裏河一帶漕舟之往來
必由而國用之盈縮係之今茲南行舳艫蔽江雖聖諭昭
彰使通來往而一溝之水勢難兩便是其不可者二也近
聞淮陽等處荒勞異常父食其子母食其女此在今日正
宜寒心奈何滿目瘡痍未獲少痊而鑿輿又幸其地恐遭
霜之葉豈復可風大億之民豈宜再汗是其不可者三也

奉新縣志

卷八

人物一進士

三

且龍舟所經必渡淮北沂江南而黃河天險聞者驚心長
江天塹見者毛悚千金之子坐不垂堂陛下奈何以不賞
之軀而甘不測之險是其不可者四也夫一日二日萬幾
叢委今匹馬遙遙駕言行邁將來國家之重務何由而陳
其可否而內批之裁請往復動經乎歲月廢時失事莫此
為甚是其不可者五也況天下大器也置諸安處則安置
諸危處則危是以止則深宮固門動則出警入蹕鄭重如
此而意外之患時或有之今也白龍魚服肆無戒懼則豫
且之變臣有不忍言者矣是其不可者六也聞之天子者
天地之子也天子弗克肖乎天地則必出災異以譴告之
不修德以回其怒行且忘之矣今也凶荒相仍盜賊充斥
地震於下龍鬪於上其警戒者至矣陛下及今若時正宜
如成湯之六事自責武丁之恭默思道奈何恬不自省方
事逸遊臣恐忘予之天不可言也是其不可者七也古之
人君雖甚不得已而或有會盟之舉親征之行亦必有太
子親王以監國然皆非盛世有道之事今前星未曜儲位
尚虛眾建諸王各就藩府大本未定俯無以聯屬乎人心
七豎乏主仰無以祀事乎宗廟是其不可者八也夫憂勤
惕勵古帝王之所不廢昔文王不敢盤於遊畋尚書誦之
隱公觀魚於棠春秋譏之蓋始於憂勤者終於逸樂始於

荒亡者終於敗亡陛下修德講學親賢遠奸味爽臨朝日
 吳不遑食猶恐憂勤不及古人而貽付托不效之憂也况
 又有逸樂趨之哉是其不可者九也夫帝王舉動當順乎
 天意觀天意者驗之人心而已是舉也孤卿論列不已而
 臺諫繼之部屬之官又繼之雖以臣等疏述之微亦極知
 其不可也陛下何苦違眾志以拂天意乎是其不可者十
 也臣等備員士屬濫厠清班荷天地造就之恩捐軀莫報
 撫江河廣大之迹銜石無由雖常耿耿有懷恒以出位中
 止茲復默默無語誠恐噬臍莫及是以忘位卑之戒冒越
 職之罪昧死言之伏望皇仁擴包荒之度奮獨斷之剛不
 惑左右愆諛之言而俯從孤卿臺諫之請急收成命寢此
 南行使朝野臣民樂英主無難於改過而施之後世知聖
 君不果於遂非臣等不勝隕越待罪之至 科舉疏請為
 科舉事竊照嘉靖四年為鄉試取士之期臣有見聞不敢
 緘默謹條陳於左一曰養廉恥臣竊惟儒生入場外有搜
 檢內有巡緝又重之以懷挾充吏之例稍知禮義者已惴
 惴蹈罪是懼何事解衣脫巾赤身露足俾同人道於馬牛
 哉臣恐孔孟復生必有不屑就已合無今後鄉試比照會
 試搜檢事規免其剝落衣巾以養多士廉恥之心二曰務
 實錄臣竊惟鄉試會試有錄本欲進呈上覽傳信天下近
 來往往假借舉子之名刊刻試官之作吾誰欺欺天乎且
 使草茅之葵藿竟為魚兔之筌蹄名雖甄錄而言已棄置
 矣合無今後刊刻試錄止用舉子本色文字考官惟專事
 校讐庶上無假借欺君之非下無做精廢事之失三曰公
 去取臣竊見場屋分卷不論高下之多寡隨卷均散及至
 填榜亦不究其高下之多寡挨次均填坐是為高卷多房不
 免遺珠之嘆下卷多房不免續貂之幸合無今後同考試
 官取定中卷類送考房不處分經混取擇其高者畱之雖
 一房十取其九而無嫌否者去之雖一房十去其九而無
 恤務敦同道相濟之美毋懷私植桃李之心四曰革姦弊
 臣竊見京闈填榜之夕有等射利光棍公然持梃踰牆上
 房翻瓦攘奪中式姓名人吏莫之敢禁是以試錄未及進
 呈而京城家諭戶曉矣以京師首善之地顧不如外省奉
 法之嚴良可慨嘆合無今後貢院周圍分派五城兵馬嚴
 督火甲人等通宵防守遇有前項姦徒即便拿送法官枷
 號重治如巡邏欠嚴通同作弊許巡城御史將該管兵馬
 參究五日謹文衡臣惟天下異才非凡眼所能識臣昔在
 順天場屋時見有同考官將今修撰楊維聰置之落卷不
 有識者維聰不其流落不偶乎蓋人品不同識趣自別非
 日知而蔽之之過也合無今後每布政司比照兩直隸鄉

奉新縣志

卷八

人物一進士

志

試命官主考事例聽禮部選兩京部屬官學行優長者二人奏請前去主考庶主司得人真才輩出矣徵調疏題為慎徵調以重國勢事近據湖廣按察司經歷司呈奉本司帖文抄奉巡撫湖廣右副都御史黃案驗准兵部咨為處通賊以收全功以消後患事該本部題稱永保貳司官舍彭宗漢彭九霄等先次征勦岑猛平定地方軍門已賞効勞該提督等官交章奏舉節蒙朝廷軫念忠誠大加賞賚存者錫以勅爵歿者贈以官職龍章煥發迥垂永世之光高爵再頒式表一門之盛各該官舍必能仰體朝廷眷遇俯思家世恩榮掃此餘黨尅日可期但恐部下官兵以此蕞爾殘賊互相觀望不即啟行未免延捱誤事候命下交與湖廣都御史黃即便離任親詣永保交界處所督發原選土兵分別等第倍加犒賞目下起程差委都指揮并副使僉事等官公同統領兼程前去廣西南甯等處聽調勦殺等因題奉聖旨是量調永順保靖二司土兵已有旨了便差人馬上齎文前去湖廣著都御史黃衷會同鎮守太監總兵選委都指揮并副使僉事等官星馳前去永保地方督發原選土兵厚加犒賞責令日下起程就令各官公同統領兼程到於廣西南甯等處聽調殺賊有功比前重加陞賞但要嚴加鈐束不許沿途生事擾人欽此欽遵移咨備案行司轉呈到臣除會案差人齎文前去永順保靖二司督調土兵各三千名聽候外但中間有於國勢未安事體未宜地方未便者亦合披陳上塵聖聽會同鎮守湖廣地方御馬監太監潘真巡撫湖廣右副都御史黃衷總兵官滿平伯吳傑議照天下土兵勢則地方之屏蔽性實殊族之犬羊馭之有術則畏威而懷德苟失其要則逞詐而叛恩得失之機國勢攸繫竊以逆犯岑猛自蹈不靖以速天誅緣彼挾數世之積威恃一方之素蓄父子雄鷲足以脅人兵馬強盛隱若敵國非藉永順保定之兵恐失穿縞破竹之勢借調之策決難俱已且二司土官之襲職冠帶將祈朝廷之恩士兵之子女玉帛欲趨田州之利以此伏戈而俟惟恐後期今則大慙已滅寨落已墟向日之求悉已滿望赴義之意難保如前況盧蘇再合之眾已非岑猛全盛之兵都御史姚謨之才智足以經畧廣西漢土之官兵足以勦除已調南甯畬兵聲援已重何所不克必欲再調湖廣土兵誠恐蠢爾蠻夷謾相誇誕將謂天下之兵惟彼獨盛地方之功非彼不成少恣驕矜是生尤驁臣等竊聞岑猛昔蒙調江西殺賊及至沿途擄掠且語人云江西反往田州借兵若田州反不知何處借兵是後地方

調兵多不親領間有親領亦不如期悖逆之情久矣自露
 狼子野心大抵相類又可以先年動調土兵多係鎮巡等官奉
 等所謂國勢未安者也先年動調土兵多係鎮巡等官奉
 勅施行間亦徑勅土官恐或別有所自臣等竊謂朝廷為
 四方之極事必領其要而勢始尊鎮巡有一省之責事必
 任其詳而令始壹節鎮奉命於朝廷土官受事於節鎮等
 威有節而堂陛之分可嚴上下相維而臂指之用可久今
 動調二司土兵各三千名遽請勅旨遠降夷庭蠻俗獠獠
 少諸儀節倘失祇迎之禮足損嚴重之威將鎮巡文移調
 兵彼或易慢不行必須一一請勅土官亦不勝其瀆矣此
 臣等所謂事體未宜者也土夷之性征伐是利徵兵一千
 發即倍數復有附近土人納賂頭目夾帶以往殊音異服
 形狀可駭羊羣蟻聚徒黨甚眾所過之處無不騷動婦女
 藏於巖谷未免被污財物投諸水火難逃搜檢監統之約
 束涉遠無及禁止之法度礙眾難施人口一被擄掠無踪
 可追州縣縱有申稟無名可指間或拏獲一二到官卒亦
 照俗處置是官府之法但付虛文鄉落之人則被實禍況
 去冬方回今夏復往在土兵已疲於奔命在軍民莫遂於
 安居大軍之後必有凶年即今地方薦饑道殣相望軍
 之物動費千金即今倉庫發賑錢穀已空加之徭賦供需

大木派徵歲數巨萬悉出軍民且以貳麥未收流移未集
 再失其業何以為命嘯聚攻劫理勢必有保支節而毒腹
 心朝議必有所擇矣此臣等所謂地方未便者也但查近
 該提督都御史姚謨來文內稱差指揮武鸞王冕等齎執
 令旗牌前來督調誠恐各該官兵俱已整擗啟行伏乞聖
 明矜察特勅兵部從長計議早行廣西鎮巡衙門催調兩
 廣漢土官兵同南贛畚兵併力進勦及行臣等查看二司
 土兵如果未啟行即令停止實為至當若謂明旨已出各
 兵先已督發勢難中止姑准借調一次以後免再調發仍
 乞今後動調土兵照例專勅鎮巡等官行事土官勅書亦
 免頒給庶體統正而朝廷尊民患息而地方靖矣緣係慎
 徵調以重國勢事理臣等未敢擅便為此會本專差承差
 梅鼎味親齎謹題請旨聖旨該部知道正祀典疏題為
 釐正祀典事臣聞國之大事首在於祀竊照正德十四年
 藩賊宸濠謀反一時死節封疆之臣陛下嘉其忠節咸賜
 贈錄祀之洪城甚盛典也但其間甄別欠明清議不服者
 臣敢言之同祀之臣若巡撫都御史孫燧按察司副使許
 達赤心惟一天日不二有百折不回之慷慨有再拜臨刑
 之從容廟祀江西天下之人作為哀忠錄哭之誠足以激
 勸萬世續有布政司參議黃宏公差戶部主事馬思聰擅

離龍窟欣媚賊庭始則丐生以就獄終則怵禍而自盡同
祀一室天下之人至以狗尾續貂議之實不足以厭服人
心臣訪得黃宏等雖有御史唐龍所奏不食憤懣事跡實
採用同獄梁辰等粧點門面之言其事本不足據馬思聰
僅有都御史王守仁祭文一篇亦自謂與其子有門生之
雅其意亦非至公況孫燧許達精忠大節古今所難若以
黃宏馬思聰同堂祀之實非所以慰忠魂於冥漠又知府
宋以方郎中塗文祥等亦係投江而死若以黃宏馬思聰
為忠則此瑣瑣者亦合一例增錄同祀臣恐朝廷旌別淑
慝之典不白於天下後世也已伏望陛下特勅禮部亟行
江西撫按三司等官多方訪議如果黃宏馬思聰止是如
宋以方塗文祥之死並無孫燧許達忠節顯迹徑自覆奏
乞將配享及贈錄恩命盡賜削奪庶祀事不瀆恩典不濫
而天下人心知所激勸矣附錄誌醜職有顯顯思患預
余禎字與邦號方泉下坊人授工部主事改兵部武庫
杖於闕廷時死杖下者十七人禎其一也諸臣既死廷臣
莫敢上聞後府經歷俞敬奏言學士豐熙等皆以冒觸宸
嚴繫獄拷訊諸臣跡雖狂悖心實忠誠今聞主事余禎等
已死熙等呻吟在獄亦垂亡矣竊獻皇帝神主已奉迎入

奉新縣志

卷八

人物一進士

六

廟正宜赦過宥罪彰大孝於天下望霽雷霆之威施雨露
之澤已死者恤其後垂亡者宥其身使人臣無以言為諱
宗社之幸也明年二月御史王懋言疏言以議禮死杖下
者主事余禎等十有七人其父母妻子顛沛可憫乞賜優
卹俱不聽隆慶初錄議禮死者贈禎光祿寺少卿舊志
按間襟集正德間宸濠叛禎方在告聞之慨然與宋景破
產募死士李英等三百人從虔撫王守仁討賊既平改兵
部主事時方議與獻禮有詔去本生二字禎疏力爭畧曰
本生二字何為去之試思存此二字何違於理何損於孝
若去則援立之恩絕繼統之義泯而無存矣書上觸怒故
得禍最慘死之日貧無殮具兵部尙書金獻民見之謂同
列曰此國家之元氣不可一日無也即給在官銀四十兩
乃得殯殮焉事見明倫大典並錄之余禎議禮疏伏惟
陛下受天明命上遵祖訓入繼大統以承宗祧折衷典禮
維皇建極當以堯舜三代為法乞勅該部廣質羣議各秉
大公無私之心自有至當歸一之論定一代之典禮為百
王之大法臣雖愚陋敢竭管窺以助高深斷不敢效曲學
小忠取寵一時貽譏萬世也伏讀正德十六年四月二十
二日頒行詔書內稱皇考孝宗敬皇帝聖母慈壽皇太后
嘉靖元年三月十五日詔書上聖母尊號曰昭聖慈壽皇

太后本生父曰興獻帝本生母曰興獻太后嘉靖三年四月十九日詔書復上聖母尊號曰昭聖慈懿康惠皇太后興獻帝尊號曰日本生皇考恭穆獻皇帝興獻太后曰本生聖母章聖太后義專隆於正統禮兼盡乎至情詔書歷歷可據茲者本年七月十五日節奉欽命詔開稱孝宗敬皇帝曰皇伯考昭聖皇太后曰皇祖母恭穆獻皇帝曰皇考章聖皇太后曰聖母竟去本生二字存此二字何違於禮去此二字則援立之恩絕繼統之義泯矣無非以議者張璠等謂恭穆獻皇帝宜稱皇考固也皇則必宗有虞氏禘黃帝而郊魯祖顓頊而宗堯今陛下不宗孝廟何耶璠等又謂天子無為人後若繼孝宗有絕親之過兩考之嫌固也然禮有二父服無二斬為人後者為本生父母服期年藩王入繼大統不得顧於私親所以重大宗也恭穆獻皇帝太祖者為大宗繼嗣者為小宗舜紹堯之天下乃可絕耶禮繼子父尊崇之極為萬代法程據稱孝宗敬皇帝為皇伯考則是太廟之內終無禰廟也昔殷高宗典祀獨豐於昵至雖雉之變孰謂堂堂天朝可無禰廟耶且將來必有以聖庶奪嫡之說進必欲以恭穆獻皇帝並禰於太廟以繼大宗將與孝宗同室者魯躋僖公於閔公之上春秋以為逆

奉新縣志

卷八

人物一進士

七

祀則武宗皇帝御世之時恭穆獻皇帝尚在藩服若加於武宗之上不幾蹈魯之失耶璠等又謂宋太祖唐中宗稱皇伯考彼先譏禮官不學無術以濮宗濮皇為據今乃不法堯舜三代及漢宣繼昭帝光武繼元帝何耶總之重繼嗣者私恩重承統者大義統在即嗣在矣當日武宗遺詔並未嘗以子視陛下比之定陶濮王生視寢膳歿視殯殮早定父子之分者不同也既稱皇伯父是不考孝宗既去本生二字是考與獻即帝與獻猶之周王王季也湯不王商癸而周王王季光武不王南頓而陛下王與獻則固疑於躋武宗此舉朝所以沸議也太廟者承統之地皇而不得廟者有異稱繼統之名皇而不宗者亦殊懿文太子亦不得為康皇帝英宗斥郕王亦稱景泰帝不入廟則地不偏不稱宗則名不嫌不入廟不稱宗存統之義揭日月而行中天矣伏惟陛下容納善言審於聽斷有言逆心必求諸道有言遜志必求諸非道追維前詔會同查處擬議成命益隆兩宮之孝養以合萬國之歡心則萬代瞻仰在茲典禮矣臣部屬小臣位卑不敢言高然區區犬馬之誠深惜宋儒偏引經據以悞天子以悞宰相臣何敢徇人以希稱旨何敢昧心以淆大禮哉謹上罪言席藁待命之至費宏弔余禎詩邈迓當年子尚童忍看遺像誅孤忠開先正議

扶天柱伏闕丹衷買日虹神逐仙鯨遊漢外心慙仗馬立
朝中生平不負奇男子千古英雄洒淚同 陳仲錄弔余
頑詩禮家聚多訟職方有攸司忠鯁發天性夫豈患危機
指血滴諫草俯身甘廷筮一死重萬鈞百年定羣疑天地
無愧慙九原當自知

嘉靖二年癸未姚涑榜

萬義 山海衛籍見題名碑錄

十一年壬辰林大欽榜

廖天明 號東溪上坊人年十四赴童子試學使李夢陽奇
不受擢刑科給事中以言事謫外尋除吏部考功司員外
郎出為邵武府知府遷貴州兵備副使撫輯苗苗威惠並
著需次當遷以疾乞歸卒祀鄉賢

二十三年甲辰秦鳴雷榜

奉新縣志

卷八

人物一 進士

六

朱國華 字崇樂號壽川北鄉人授休甯知縣貴溪張真人
發之張遜謝而去陞兵部主事歷職方郎中擢四川提學
副使以崇氣節敦行誼為本土習為之不變累遷雲南參
政歷貴州按察使雲南左布政使發黔國駐私逮左右戍
邊者三人轉順天府尹卒祀鄉賢 江南通志宋國華奉
新嘉靖間知休甯縣南泣任決疑獄以十數釐清賦役
視前減三之一 按國華府志載祀鄉賢舊志遺

三十五年丙辰諸大綬榜

蔡國珍 號見麓奉化鄉人明史蔡國珍字汝聘奉新人嘉
靖三十五年進士鄉人嚴嵩當國欲羅致門下國
珍不應乞就南為刑部主事盜七十餘人久繫獄得其情
減釋過半改吏部進郎中出為福建提學副使以侍養歸
遭母喪服除遂不出家居垂二十年張居正既卒朝議太
起廢籍萬歷十一年仍以故官泣福建遷湖廣右參政分
守辰沅洞蠻亂將吏議勦國珍檄諭之遂定歷浙江左布
政使以右僉都御史提督操江召為左副都御史歷吏部
左右侍郎與尚書孫鑣陳有年綜核銓政擢南京吏部尚
書二十四年閏八月孫丕揚去國帝久不除代部事盡弛

其年十二月竟廢大選閣臣及言官數為言明年二月始命國珍為吏部尚書三殿災率諸臣請修省旋有詔起廢國珍列三等人品正大心術光明者文選郎王教等二十四人人才有足錄過無可乘者給事中喬允等三十三人因人望悞覺非已作者給事中耿隨龍等三十六人並請錄用竟報寢明年正月倡廷臣詣文華門請舉皇長子册立冠昏言必得請方退帝遣中官諭曰此大典稍需時耳何相挾若是乃頓首出給事中戴士衡劾文選郎白所知賊私國珍為辨且求罷帝不聽除所知名御史況上進因論國珍入罪帝察其誣不問國珍遂稱疾累疏乞休先是丕揚坐忤張位去官位欲援同位者為助以國珍鄉人汲引甚力及秉銓一守成憲不為位用位惡之國珍乃懷去志至是帝忽怒吏部貶黜諸郎二十二二人國珍求去益力許乘傳歸初楊巍為吏部與內閣相比得居位八年自宋纁陸光祖力與閣抗權雖歸部身不見容故自纁至國珍率未浹歲去惟丕揚閱二年時咸議閣臣伎而惜纁等用未竟也國珍素以學行稱風力不及孫繼陳有年而清摻似之均為時望所屬家居十三年卒年八十四贈太子太保諡恭靖按當時賜祭葬祀鄉賢國珍宏辨納疏題為益宏辨納以崇聖治事竊臣以顛愚獲罪亟當罷免曲荷

奉新縣志 卷八 人物一 進士 九

聖慈乃復賜畱感深欲涕豈忍言去況臣病廢有年特蒙我皇上稊枯煇灰拔擢至此臣非木石豈不欲以尺寸自効以圖報稱於萬一第臣聞里名勝母曾子不入今臣之所學者無攸遂也乃不能獲信於上至以專權結黨罪之其為勝母也大矣使復貪榮昧禍而居之稍知臣禮者其敢哉又今時任事難而任吏部之事尤難臣年已滿六十六今且病自度前既任使不效後此駒隙無多終恐無以報主上惟有早去庶幾不辱殊遇焉耳顧臣受恩深矣雖去能無一言以效塵露之微哉惟皇上睿知天縱百度惟貞臣可無論其有關於世道人心者舍辨納奚以焉何言乎辨也自古有國者患不在黨而在黨之公私故凡一念之發純乎為國為民千萬人不約而同雖逆於志而不暇顧一毫邀功沽直之私與夫承望逢迎以及毛舉擊擊規避自全之意舉不與焉此雖有黨之迹而心實公焉黨而非黨也其有言雖近似而或關於便佞或涉於迎合或不免於容悅讒歿希寵干進之計乃投甘進熱謗遂於志以冀說之得行此雖無黨之名而心實私焉不黨而黨也夫黨而私則利在身而不在國固無樂乎有此黨也黨而公則利在國而不在身是惟恐其不黨耳何可疑也陛下不於臣等回諾但罪其不認罪終不以黨疑之是至明既無不

辨矣或猶有萬一之不辨者存臣恐非黨退而真黨由此進也倘不以臣言為謬凡臣下進言其真為國家公言而不為一人私之者雖逆耳必聽不復以黨疑之斯旁燭無疆天下益頌日月之明矣何言乎納也陛下沈幾獨斷間者聖意以定舉羣臣共言之而不同者豈無取於居高聽卑之道哉毋亦謂人君其尊如天臣下但當聽順顧令出而或撓之其迹類乎瀆尊故或有所不從耳但稽古帝舍已從人至於用舍之際若絲之方命圯族堯既早見之矣及聞四岳試可乃已之言即以往欽命之又何其急於從諫而無我也夫堯之蕩蕩非無他美可稱而獨稱及此者非無以也徒以王道必不自用而用人而後為至耳此堯之所以稱大哉之君也陛下每於羣臣言無不納夫既舍已矣舍可未盡從豈非見超物表有非羣言所能轉移者然視堯之稽眾何如也伏乞我皇上一意法堯益宏虛受之度言苟非黨必容納而勉行之斯從善如流而天下益仰江河之決矣夫辨而納之則恩威一自上出若原任郎中趙南星等性雖狂直心實無他聖慈不可終棄至臣之衰庸不職必不可復容伏乞皇上亟賜罷斥使避賢路特將臣言曲賜施行則人心可正聖治益崇臣去榮於畱矣

南昌府志序古者裂土建侯罷侯置守令古諸侯也

奉新縣志

卷八

人物一 進士

三

郡守則牧伯之任矣諸侯經紀其境內各有圖史以志政事而牧伯統之是國之有史今之志所由昉也曩列國有史史世職之業不分而人不取玩後世長民者數更易視郡邑如遠廬然始至於風土謠俗未及知久而知之即欲汲汲興除已不暇將載筆而籍之又逼於時日於是乎考核多疎論次易謬此其病病無徵也今文治日開乘牒非不班班可考第史無世職善敗不臚列又或參以私臆率至瑜者瑕而瑕反瑜砥玉或相揉焉人皆以為穢書而吐棄之矣此其病病不尊也吁志非難傳信為難傳信非難得其人而力舉之為難也吾郡志代有纂修識者猶歎為未備莆田盧公來視郡銳意更輯下令州縣長吏咨訪採摭次第錄上公手自總裁會遷分臬使者仍部南昌遂得究竟大業三踰年而刻成珍受而讀之詳而覈公而不苛纒纒疆土文物之故大書特書不一書事雖述而功倍於作者其善志也已公神宇靜深治理光大守善郡三年土民丕變而公復以退食之暇志存千古手勅是帙宣德詔來即昔所稱經國大業於是乎在獨為豫章存文憲備故實云乎哉珍下邑鄙人習知吾邑物土瘠於他方而租賦倍之二百年莫適控告公力任條陳必爬搔後已異日者入而主持鼎軸計安宇內令萬物吐氣吾郡若邑必首微

奉新縣志

卷八

人物一進士

三

公之惠如志中所論敘賦役水政藩祿風俗諸篇鑿鑿乎言之必可行也必可傳也公蓋舉已成之事著不刊之書上有尊而下有徵不求信於民而民信之矣陽秋一出而士論翕然至以為百世不容磨滅蓋地得志而重志尤得人而重良不虛耳珍耄且不嫻於文樂是書之成而為邦人所共鼓舞也謬題質語識之簡端督學名臣祠記國家建學郡邑特設學使者督之豈與夫效一職者比哉蓋以古者禹稷臯夔各勤所事及民一脫於饑溺即以敷教屬契者若謂倫教不可一日無且雖服采胥自作人乎出耳誠重之也吾省諸先賢泚此官者類多任斯道範士務治鑄髦俊以為當世肩宏鉅以故往往得人為多顧或有教不以身徒區區較尺寸於一藝間甚或漫不事事惟務為虛聲以希速化其於設學使之意寢乎微矣況諸人士以一藝受知輒以為足已不復知誦法為何事而繼至者又以填委未遑風教遂未及因士心而表章之則先輩流風將不久而或湮乎此崇祀之所以不可已也抑祀典凡有國功民勞者皆得崇祀故宦之有名者祀而祀在名督學又功與勞從出之地也不專祀之奚可哉江省學使賢傑代有若故僉憲黃未軒諸公蓋其首出者就中未軒伯誠二泉虛齋崆峒文貞諸賢道德節義文章相業蓋於宇內其貞教作人為多至今耿耿照人耳目乃越諸公闕焉不祀誠為廢典參知姜公之攝學政也採之士論毅然於校士公署中立祠置諸公主祀之蓋舉人所莫可廢者焉是昭前烈也詔來者也彰聲教以廣勵士風也使後學有觀感而興善也且使諸先賢之子姓莫不相聞而象賢也一祀而眾善備焉君子謂是舉為得禮意乃其藏契之道及加意於功勞之所自出者又不待言矣或乃謂學道而祀先賢則諸府寺均有先者祀不亦繁乎意非然也彼有事功惠澤者人自崇之非必有以風也學則士惟向風耳祀其先賢蓋樹之風聲以風諸人士也風善則他時功惠又皆嚮風者為之風之時義莫大矣此祀之所以貴專也有其舉之誰曰不宜國珍無能為役亦嘗漸摩諸公遺化中而不能自善既濫竽此官又不能推此道以陶成士類且移疾行不能褒揚所在先賢而崇之祀今躬逢其盛祇愧汗淫淫下矣幸聞受簡之命而不敢以不類不文辭者固慕義補過之微意也何論文哉謹撰而鐫諸碑陰

余良翰 號梅崗從善鄉人刑部主事恤刑廣東出冤獄數十人事故竣還朝除知敘州府前守闕冗案牘山積夏翰從容裁決未幾而畢人以爲神條議地方十八事上之兩臺使成嘉獎之需次當遷以疾乞歸卒祀鄉賢 四

川通志余良翰嘉靖末知敘州士民懷服建兩塔於府治東南以壯形勢工費捐俸不以煩民

隆慶二年戊辰羅萬化榜

陳九疇字惟敘號龍沙下坊人官刑部主事陞廣西柳州府知府

五年辛未張元汴榜

余良楨號承溪從善鄉人授海甯知縣海甯為浙東劇邑猶多欺占稅役不得其平良楨立法為均其里甲積弊為之頓除民甚便之祀鄉賢

余良樞字士中號少溪良楨弟累官浙江副使

萬曆十一年癸未朱國祚榜

涂文煥字章甫建康鄉人仕至浙江溫州府知府明敏有治才潔已愛民所至豪猾為之斂迹祀鄉賢

十四年丙戌唐文獻榜

奉新縣志

卷八

人物一 進士

三

宋應和字道達號約齋北鄉人授福建興化府推官以治

舊例秋冬磚料於上年終預派豪強得以包攬胥吏因緣

為奸扣剋物價磚不堪用而民重困應和立法令窑戶自

領其舊造寄放及驗收未領者均籍記之諸弊一清會重

修乾清坤甯二宮工部以監督請上知其才即以命之工

成省費萬計陞太僕寺少卿祀鄉賢應和乞解任終制

疏奏為聞喪憂鬱病體日深懇乞垂聖恩委署放歸以全

病臣以廣孝治事竊照臣由萬曆十四年進士初任福建

興化府推官陞授刑部主事調任今官於二十五年九月

十八日到任管事上思內工責成之嚴多方程督下念各

戶凋疲之苦極意拊循幸而陶無苦窳磚已輻輳臣自謂

殫力竭心或少盡職分萬一乃本以蒲柳之姿不堪狗馬

之任精耗於焦勞力疲於奔走今春以來痰疾時作然猶

勉強支持冀終任使忽於六月三十日聞母訃音悲號哀

傷前疾增劇臣隨即具文呈報蒙本部題請奉旨該員辦

事忠勤一時委任無人可暫行管理臣匍伏敬讀聖諭雖

肝腦塗地不足以仰報知遇之恩矣乃守候日久並未委

員復於九月十六日三次呈堂求委代署未蒙允行蓋以

磚料內府所需責任甚重未易轉委但臣聞喪已三月矣

臣身在縲經而儼然與吏人相對何以爲顏口較哭泣而營然以簿書爲務何以爲心含殮弗親苦塊久曠而依然宦署官守之是戀又何以爲子毋論識者疑臣鄙臣臣粗具五形良心未死又胡能一息安也况臣哀毀之人不能躬親政事一切驗收事體俱假手州衛等官即欲勉強稽查而病體尪羸方寸已亂倘有舛錯臣將何所逃罪是忠孝兩無當也每念及此五內崩裂數日以來痰喘上攻寢食俱廢氣息微弱藥餌罔功醫官于承志等診視咸謂勞役憂鬱所致非解任靜攝難望痊可用是披瀝具奏竊念瑣瑣下情不宜以仰瀆聖聽但明王風世孝治爲先卽蠕動含生並荷大造而臣獨填身溝壑自乖名教亦必聖心之所惻然而矜也伏望憐准下部查照舊例將臣印務就近委官署掌臣得回籍奔喪臣心少安臣疾可愈未死之年皆銜恩之日也臣無任悚惶待命之至

四十四年丙辰錢士升榜

帥

眾

字我一號五實北鄉人授涪安知縣涪安舊有燈

一榻敝甚吏奉一新榻進眾怒曰汝曹敢嘗我耶咎而還之調金華一以清惠自持以治行擢浙江道御史逆璫擅

奉新縣志

卷八

人物一進士

三

政眾抗疏指陳時政語侵璫上怒鵠職都御史鄒元標率九卿力爲申奏首輔葉向高亦以爲言尋召還眾在臺前後數十疏多切中時事至言山石二路爲山海屏障宜分將增兵以爲犄角又言喜峯一帶正當敵衝宜減潞河之戍益中協之防俱優詔答之命巡視西甯茶馬時所在立端祠眾不爲動崇正初晉太僕寺卿歷都察院左副都御史丁內艱歸卒祀金華名宦康熙五十六年祀鄉賢帥眾圖治疏題爲圖治必先審勢救弊亟反所重懇乞聖明力持體要以祛積玩以襄新政事臣惟自古有天下者其治忽之機不一大都以振頹分其振頹之機亦不一大都以惕玩分蓋人主固出震體乾者也乾乘六龍尙不忘在三之惕矧主器之震而號號之來又不啻百里而在堂下安得以笑言啞啞承之及按往代赫濯之靈以靡遑而著沼吳之策以嘗膽而成有劇情必有劇奮有劇辱必有劇憤此千古安危一大機括救時者所宜審也今皇上以冲聖登極雖就將未幾閱歷未幾然天縱神聖自非尋常所可幾及惟是受治伊始而岡陵松柏之運於此開其先豐裕已深而蠱壤芻斗之端亦於此開其漸浸假而合野戰之龍未息處堂之燕愈怡有異焉者矣恃九泥以封關矜矩步以拯溺又有異焉者矣此其勢何如而得以暮氣承

朝旭乎此其勢之難挽何如而得馳撐支於大厦乎臣請
 為皇上陳之自二聖賓馭皇上以冲齡承宗社之重羽書
 踵至宵旰借籌已煩皇上之聖慮更仰無高曾之親旁鮮
 庶常之彥所稱師保者自朝講而外莫能朝夕即內外之
 朝萬歲之聲聒耳亦巫祝之忠也昔成王落訪而曰休哉
 皇考保明其身則夫念皇考而厘保明在皇上自提其鍵
 此皇極錫福中首宜置念者也其次則重渙汗夫王言之
 重於天下者謂其疾若風霆明如日月信如四時故也以
 今之朝奏夕可豈有呼而不應之時第勅不經中書者不
 謂之勅惟本之以平章繼之以封駁即聖有遺慮以入告
 而得全即事有旁蹊以神明而難假以至一宣一令甯札
 示毋口銜將天下在皇上予奪功罪之中者咸曰此皇上
 予之奪之功之罪之也誰不降心於皇上而為大哉王言
 之頌乎又其次則重責成夫庶官之有裨於國家者謂其
 參互考日成月要考業成歲會考歲成故也以今之主憂
 臣辱詎無鞠躬盡瘁之臣第時因多官而愈無官小人乘
 君子之器文吏繫武弁之足舍耕問織借他局以成能墮
 實冒名獵速遷而違罰甚至軍國燃眉典兵者不計兵請
 餉者不計餉誰與皇上領此危疆在皇上亦安用取聾瞽
 而相之土木偶而官之也安得不嚴為棕核以維敬事後

食之義乎又其次則重法紀夫法之所以能維萬世者謂
 君不能私臣子不能蔽父上不能罔下故也以今祖宗法
 制非不掣然具備時且藩決紐解狎之如燠水矣棄殺者
 不必死孰執堅潰卒之心竊鈎者不必誅孰寒燃灰之胆甚
 且同在罪中而議人之罪矣同在議中而受罪之賞矣又
 何怪阜城門之奪門而破其公署歸德府之闖入而縛其
 公胥也昔魏羽林燒張彝第上不問高歡歎曰事可知矣
 遂歸散貨財以結豪傑以今天民秀傑並入彀中未必有
 此則夫獨持風紀令民不信竊而信度卒不畏敵而畏法
 吏不惜官而惜議非神聖孰懾之乎至法窮於大臣又當
 以禮義裁其進退俾得稍全廉恥以自附於勇退之義固
 所以重黃扉亦所以通法之窮也夫臣子有代終之責也
 臣胡以獨難於皇上誠見諸臣近奏有閣票不能遽得之
 部部咨不能遽得之省直不得近奏有閣票不能遽得之
 必離照之中天而始宜朗久伏之蟄必游雷之動地而始
 飛揚乾綱振而百度貞聖人作而萬物睹其勢使然也曩
 皇考顧命之日屬諸臣輔皇上為堯舜臣猶謂宜法舜未
 宜法堯以舜在帝之終王之始利用惕皇上在飛之始亢
 之初亦宜用惕操舟者視風之所起以加帆操琴者察絃
 之所乖而更調故欲皇躬之豫順不可無爾室不愧之思

欲廟堂有股肱不可為奸殊不覺之眷欲舉朝有肝胆不
可無同人於野之心欲天下有法守不可無解肌去毒之
斷此臣所以鯁鯁入告藉為先資者也不然以今之天變
人窮將驕卒橫臣豈不欲洒賈生之淚然祗皆失微也知
難興邦君正國定一端本而天下治矣如不以臣言為偽
乞賜省覽申飭庶朝綱振於上人心惕於下戰勝廟堂氛
消邊圉又何憂外患哉臣無任激切俟命之至 直陳時
事疏題為時事浸軼其防明至當嚴其漸懇乞申飭內外
通未窮之變圖方兆之幾以固元氣以綿國脉事竊惟世
之治也密勿有敬信之重臣班行無摧折之士氣法紀有
持平之體民氓無不應之呼臣試言數者之關係而後反
今事可乎蓋惟重臣與權臣異君有所為不可則必爭爭
之不能其事又必不可聽則專行而不顧待成敗之迹著
上之心亦釋然而自解要使人主有所敬憚羣小有所
震攝而已不與其利此重臣之說也亦惟諫臣與諛臣異
人臣生死繫主之喜怒其敢開口諫者有幾屬有入告書
度夜思朝刪暮削比至上達什無二三此雖賞以旌之猶
虞不繼矧罪之乎此士氣之說也至法紀乃維世之具一
平一陂分而治忽亦分故曰法者人主與天下所共又曰
行法先責近則法難犯此咎繇可以執至尊廷尉可以抗

奉新縣志

卷八

人物 進士

三

天子毫不可假借者也民情為聖王之田一得一失分而
讐后亦分故曰天命降監下民有嚴又有匹天匹婦一能
勝予是鑒觀一自我民饑溺不啻猶已毫不容膜視者也
惟我皇上登極以來首重絲綸勤思枚卜有喜起之遺焉
銳意謨弼屢下考選有難皆之盛焉又且顯明三尺軫念
萬方每遇作奸犯科之徒而或磔或磔或辟隨以參送下法司
一聞兵荒水旱之奏而或賑或蠲隨以查勘行撫披真大
有為之聖非僅中主所能彷彿其萬一者也迄於今有不
盡如聖心者矣閣臣平章天子所改容而禮者數年以前
即間有傳宣尚存閣體近且自侍口銜引類狂呼闕如聚
訟無復為我皇上崇股肱者矣揆路且然又何有於司空
又何有於司寇而不凌之逐之也積輕至此即有稚圭其
人能以身勢勅押任守忠乎設遇非常而以補天浴日責
多懼之身勢不能也此重臣所宜養也言官職在此鱗明
主所止輦而受者昨歲以前即有請斥隨蒙賜環近以
刺及權璫奪俸木已繼之撻辱無復為我皇上惜耳目者
矣言路且然又何有於詞臣又向有於陪臣而不錮之殺
之也積摧至此縱有元禮其人能破常侍之柱以捕張朔
乎設此氣不復而不鳴不躍養頑鈍無恥之風非世之福
也此士氣所宜培也法之於風猶權之在衡無私輕重也

自封疆失事布奔弭愆幸持獻得人未甚決裂頃復以罪
璫而杖御史以執法而斥曹郎則當道之狐誰為之問升
墉之隼誰為之弋使竊詭不已恐祖宗之法不用以懲奸
而用以長奸安可不早為之飭也民之於上如膚之附體
無二痛癢也自瀕年加派勢甚剝膚幸歲未大侵勉支旦
暮頃且馮夷作梗於東南旱魃為虐於西北則溝壑之轉
是處堪憐首山之呼凡兵可慮使收拾不早恐國家之釁
不在邊域而在蕭牆安得不早為之籌也凡此皆時事之
急著所宜交警於上下者然君猶天也即雨露風霆稍逾
其則亦宣氣者之過臣猶責望於下焉天聽彌高納約者
間借爨於近而返授人以重矣願斧展之間上勤召對下
重精誠而還地天一德之盛忠憤所積信心者各抒其見
未免疑於岐矣願靖獻諸臣苟利社稷曷計異同而備鼎
餽調劑之用壞法至廣省亂民極矣然廉首亂者而輕重
治之法猶在也至與參之間欲借之以行其喜怒則法雖
存而實亡願內外諸司為我皇上守此三尺民困至天人
交厄極矣即按災傷而次第拯之亦杯水也使加派不除
勢必釀為瓦解則民心渙而皆喪願內外諸臣為我皇上
救此窮民雖然臣所控者四也而所以行之者一惟豫之
一言而已天下惟知豫者窮必趨之勢因其勢而淪之即

奉新縣志

卷八

人物一

進士

美

安瀾之道也上聖圖機惟切衣衽之警戒蓋臣謀國必先
未雨之綢繆試驗之往事如由親臣以下世臣式怒蛙以
作士氣約三章而定漢業緣一旅而恢殷祚雖事體不同
總之轉換之門皆由事始在今日又可知矣然易以雷出
地奮取象於豫惟奮乃成其豫其機又在力行使人至以
大公至正立極於上宰相秉持而不失諫官糾察而無私
以至在事九列內廷暫御皆修實政各急先務履霜而知
堅冰之戒羸豕而知躑躅之爭陰翳一除容光自照凡在
內之冗濫在外之侵冒皆得節之清之以緩百姓旦暮之
命無至以一隅竭天下而令民生至此極也臣愚不識忌
諱然一得之慮或於時事得少有所裨而功與罪所不計
矣乞終養疏奏為親衰已厘子憂弟喪復添家恤懇乞
天恩憐茲苦情放臣以全母子餘生事蓋臣與子等倫也
忠與孝一心也在明主責臣以忠未始不觀其孝即聖世
盡人之力亦未始不悉其情此臣所以仰恃乎聖明再三
補牘知不窮於無告也夫同朝諸臣詎無老親如臣母之
九十有三亦未數數更臣父先背依母之日倍長是為慈
以代嚴受恩已自有異又且兄早世而弟新喪即餘季弟
亦弗克侍臣非獨子猶獨子也兼以母憐弟喪又復無嗣
含斂之光景悽然存歿之化離慘甚臣母不覺痛絕暈而

復甦者再昨遣家人來京再三寄語謂母年固衰兒亦非壯宜速解綬俾垂暮之親復得晤遊子於一堂或可免兒日後之悔臣聆此語亦不覺雪涕哽咽憤憤而不知所為以疇昔巡方驅單車而靡室肆今燕署隔衰暮於南陔使及茲猶不知懇恩求放安弗問弗視而不慚置石火電光而不問匪獨弗子恐亦匪人又况積病如臣念即匪躬而力艱匪懈縱無老親縱無弟喪亦應引退以不則病餘無當於激揚曠侍有關於風紀且貽親以惟疾之憂惟退則慰衰慈於遐邁集憲務於更賢且貽親以達孝之治是歸養之乞情與理俱不容已矣不則當此聖明在御巖居尙欲思奮師濟在列庶司尙欲同升矧辱在班聯又叨分憲孰肯自睽隔於明盛祗緣情有極不能並適於尊親勢值其窮只得巧思於君父是乞身歸養微臣之私情亦人子之至情也按明史葉向高傳御史帥眾指斥宮禁安人請帝出之外以向高救免今其疏不傳又按舊志尙載有眾疆事疏茲酌刪

天啟二年壬戌文震孟榜

王應斗 號北垣下坊人湖廣崇陽籍官雲南道御史

奉新縣志

卷八

人物一 進士

七

崇禎十三年庚辰賜史愔等特用出身

宋一貞 字復元號眉居北鄉人入國朝官貴川道御史

國朝

順治十五年戊戌孫承恩榜

宋士琇 字充亦號越蒼北鄉人官浙江泰順縣知縣

十八年辛丑馬世俊榜

胡大成 字子展號胎雪同安鄉人都察院觀政

康熙九年庚戌蔡啟儔榜

廖宏偉 字偉人號崧庵上坊人官山東臨朐縣知縣胸當殘削之餘賦役淆訛一地或二三糧宏偉力為改除邑旱蝗為數請發常平粟復請長鄒二縣倉米接濟全活以萬數緝逃舊案頗株連宏偉廉得之釋其無辜禁遠

方奸宄潛通本境牙行誘賣饑民子女嚴查重懲悉令毀券回贖仍設法保聚贖者感其恩多易名以志在任六年以老致仕邑人為鐫碑頌德焉

四十五年丙戌王雲錦榜

宋一端

字次呂號樸庵北鄉人幼孤事母孝任陝西金縣

一端教之開渠導水經徭役民皆樂之又念士習不振首捐俸修葺學宮建文昌閣興義學歲旱民大饑請發粟以賑牒上未即允一端持之如初或謂公獨不念考成耶曰為民請命功名不暇計也卒從其議全活數萬人兩攝渭源縣西陲用兵制府知其才檄令督運肅州西甯糧餉單騎往返塞外十餘年鬚髮為白事定以同知擢用致仕歸卒一端以儒術起家及筮仕邊塞馳驅戎馬間懋著勞績高安朱文端贈詩有曰壯時文戰同穿札老至溫言獨解圍

張懋能

字職在號莪村下坊人十八隸諸生籍邑令丁先

奉新縣志

卷八

人物一進士

天

之曰我固知君正士奈何以俗吏目我耶乃受之是秋領鄉薦及選庶吉士

御試稱旨

上顧謂

大臣曰此佳士也散館授翰林院檢討纂修國史及政治典訓物類廣義諸書與陳滄洲鵬年編摩六載乃告成丁酉為浙江鄉試副主考有以同事不謹告者曰吾惟文是去取他何恤耶既反命而科場弊發比會質得本生交通狀無一語及懋能事乃白及還浙士遇不遇皆奉觴投詩以餞獄成以失察改國子博士稍遷至行人司副皇帝上賓懋能病痺痿不能言涕泗交頤目家人索白衣加身自是益大劇越四日而卒年五十性孝友執親喪盡禮三兄皆早喪撫育孤姪如己子嚴峻寡交服官十餘年孤介無所攀倚人咸以為未竟所用惜之

聖祖仁

五十二年癸巳八月 恩科王敬銘榜

甘汝來

字耕道號遜齋法城鄉人清鯁強毅裕經濟才畧

除直隸涑水知縣下車罷民雜派銀六千涑多旗庄細民賴田以生汝來約無故不得更改佃戶故事有司不答旗人汝來請於上官許以柳木杖杖之畢里克者侍

衛之調鷹差遣者也至來強踞民居毆民幾斃汝來趣令
縛之繫其家僮於獄其黨以擅拘職官入告下吏兵刑三
部會讞汝來抗詞不屈部議革職

上

察其直還原官強項名震天下調新安再攝雄縣皆畿輔要衝
乘興巡幸不以供應科斂民間一錢一物疏白楊淀河漑田數

特恩也

在郡罷斥龍州土司為左江時定思明土州及安南祿州
地界議上皆從之入為左副都御史以土官岑映宸事仍

召還旋

星吏議罷總裁咸安宮學踰年起為霸昌道調蘇松糧道
擢廣東布政使陳權關藏匿則例之弊請以沙坦地予民

高宗純

皇帝登極擢兵部尚書轉吏部仍兼兵部定侍衛推用法
及文員雜職官皆關白堂上銓敘乾隆四年與柏梁乾清

奉新縣志

卷八

人物一 進士

三

世宗憲

皇帝實錄館八旗志書館纂修三禮館總裁丙辰丁巳已
未讀卷官以疾卒年五十六

上聞

震悼輟視朝一日遣官經紀其喪聞其寒素賜白金千兩予
祭葬諡莊恪汝來強毅能任大事風節凜然所至多創義

學修城堡於家則建祠廟朋友任郵蓋其天性然也自邑
令至中丞長六卿天下想望其丰采歿之日不能治喪具
崇祀鄉賢 汝來籌海疆疏為敬籌海疆以足民食事竊

大行皇帝

臨御海宇十三年宵旰勤求總以務本足民為首務屢
諭直省督撫實力為民籌畫而於地窄民稠之省分如廣東者尤

聖懷

臣前任廣東布政使時查有海濱沙灘粵人名之曰沙坦者
乃天地自然生長以惠此一方窮民之地故十餘年來沿

海百姓圍築耕種竟成膏腴之壤者不下百餘萬畝而目
今淤出灘形現在召民工築者更不可數計即如省城番
禺縣屬之獅子大洋海面寬數千里今已露有灘形可堪
工築臣於上年四月間細加核查詢之士人僉云不數年
後又可得膏腴地土千餘萬畝若不立定章程著為功令
恐海疆樂利小民未獲均沾臣敬為我
皇上陳之凡海濱水面始而微露灘形謂之水坦繼而漸有青

奉新縣志

卷八

人物一進士

三

勅

廣東督撫逐一議定成法
奏立章程俾海民遵守有利無害則粵東雖地窄民稠可無
乏食之虞矣 贏餘豁免疏為敬陳管見仰祈

睿鑒事欽惟我

皇上御極以來蠲積欠之錢糧免加徵之稅課凡可以甦商民
之累者靡不一一舉行使普天率土寬然有餘已無一夫
不獲其所矣臣伏查從前各省大吏多有以地方贏餘題
報歸公者如鹽關等項贏餘原因承平日久商貨充盈名
為羨餘實屬應輸之正項向皆各官欺隱後經據實報出
原非額外加徵自應悉歸公帑乃有一種官吏相沿多徵
之陋規後經查出仍以前例徵收因而題報歸公漸作正
項徵解者如臣前在廣東布政使任內查有屯糧羨餘一
三四石不等除正額糧米撥支兵糧外餘穀悉係衛所官

草微茫謂之草坦再一二年淤成高土漸可耕種即謂之
沙坦每水坦現沿海民人各自插標圍工築俟其漸淤
成田即行耕種地土既肥又海潮每日再長再落永無水
旱之患故收穫之利常數倍於平地然民人有明知其利
而不敢種或勉強承種未受其利而先受其害者則經制
之未定也一在定立界之法以杜爭競凡水坦初出各自
插標出水之後各自築者即令報官給照承為已業前
後左右田灘相連者不得於工築之後混行告爭一在立
限田之法以杜豪占凡無力小民築墾海田甫經成業而
豪家大族常恃勢霸占或奪其地或取其禾以致富者連
阡陌貧者無立錐法宜限定田畝數目凡本身原有田地
十頃以上者雖田界相連概不許再種沙灘其小民圍築
沙灘者亦總不得過五頃如有詭捏戶名影射霸種者或
被告發或經查出嚴加治罪霸種之灘斷給貧民為業其
資助一在緩催科之期以寬民力凡陸地開墾定例六年
陞科海田浮脆難恃似應寬至十年土性堅實之後始令
陞科納賦一在厚蠲恤之法以備不虞滄海桑田變遷無
定其言雖未足據然潮有大小氣有消長則沙灘亦必有
成壞之時如潮大而淹其所種則暫寬一歲之糧如地遷

而毀其所圍則竟免陞科之額倘有守令培克灘已消而
賦不請蠲者察出治罪則雖有不虞民恃以無恐矣至於
海嶽效靈有功必祀南海神廟見於唐臣韓愈之記載在
國家典祀應請嚴恭祀事每年除二月常祀外務於十月
丙撫臣親祭一次以答神貺俾海灘永固亦為民祈報之
道也如果臣言可采乞

弁入已嗣經督撫查出題報歸公畱備賑糶之用惟是屯田糧額已較重於民田數倍今以一石之糧又復收穀三四石屯民之苦累已極一省如此他省亦必有似此者一項如此別項亦必有似此者臣愚以為凡屬此等報出贏餘之項皆宜詳加確查如原係應徵之項為向來官吏所侵蝕並非額外加徵者應仍畱為地方公用若向係加徵多取有病於商民者既經查出應即概行豁免不便以額外之苛徵仍畱為歸公之正項臣見聞所及用敢冒昧奏聞伏乞

皇上特勅各直省督撫詳查定議施行除煩苛權稅疏為請

除煩苛之權稅以廣

皇上以難商民事竊查商賈通有無以便民司市貢貨賄以足賦故關津有過路之稅鎮集有落地之稅酌其所獲利息之多寡不過十取其一以充賦課下不病商上可益國由來久矣自有司奉行不善往往浮收過取而贏餘之數以出近日則視贏餘多寡為議敘是以監督有司悉力苛索多方取盈甚且不問則例之有無定額總藉口於贏餘無出而誅求不已毛髮無遺嗟茲商旅何堪剝削況其病不獨在商也商增一分之稅即物長一分之價而民受一分之害是所謂贏餘者非富商之資本實窮民之脂膏也伏

奉新縣志

卷八

人物一進士

三

見我

皇上愛恤黎元德洋恩溥於田房契紙一項已荷革除深為民

便臣竊以為商稅一項亦可準此意而畧為釐定請

勅下直省督撫及各關監督凡一切收稅地方核定則例儘收

儘報不許侵漁隱漏亦不必苛刻取盈則商民胥受其福

矣茲謹將臣耳目所及深知其不便於商民者敬為我

皇上陳之一權稅之不宜重複也查一省之內每有設關數

處者原因各自出入要口不得不重複設立非謂已稅者

越數百里而復徵也乃江浙兩廣等處節節皆關一關甫

過已權其稅越一關而又徵此非立關之本意實奉行之

不善也請嗣後凡貨物經過該省如初關已稅即給票為

信他關祇驗票放行毋得重徵苛勒一米穀之稅應豁

免也查食為民天非他貨可比各省原無米穀稅例惟廣

西各關獨徵之故廣東獨受米價昂貴之害其餘夔關淮

關等處雖不徵米穀之稅但俱照船隻尺寸則例抽報料

稅亦仍是米穀徵稅也夫米為窮民所必需之物土窄人

稠之地或偶有水旱之鄉皆仰資於鄰省增一關之稅銀

即增一層之米價曷若蠲此些須之稅項而令小民受飽

飫之惠乎請嗣後凡米穀船到關止稽查有無夾帶私鹽

及違禁等物概停其徵收稅銀船料則小民沾無窮之實

惠矣一沿海捕魚之船隻不應收餉也查濱海之地遍處汪洋居民惟有採捕魚蝦藉以活命其船則用單桅不能出洋貿易向例祇於本縣給照稽其出入並不收稅近聞各海關監督雖單桅船集亦令請領關牌同雙桅出海貿易之船一體輸鈔此無論輸鈔之多寡即請領關牌一次已需規例四五六兩不等嗟此窮漁奚能堪此請勅令海疆督撫查明單桅船隻實係捕魚之船並非出口貿易概免領牌輸餉庶海濱貧民得有生計不至困迫為盜則官與商民又胥享安靜之福矣一魚筭鴨埠之稅宜蠲也凡近海貧民資生無業有用竹筭取魚者有於埠頭養鴨者閩廣之間悉按埠微稅而窮民之生計益蹙此項稅銀無多原無裨於國計而實有害於貧民應請盡蠲除以甦民累一各關之餉錢宜禁革也商旅到關未問正稅先索飯錢嘗見有貨物無多之客商其所費飯錢竟有數倍於正項者請勅令各省督撫及各關監督嚴飭胥役凡商旅到關止按則例徵收正稅概不許需索飯錢如有不法之徒剝削商民督撫監督置若罔聞者許科道不時糾察嚴加議處以上數條皆臣見聞所及灼知其甚有病於商民者故敢不避煩瑣冒昧瀆陳是否可採伏乞

奉新縣志 皇上睿鑒訓示施行

卷八

人物一 進士

三

五十四年乙未徐陶璋榜

嚴盛昌 字五期號魯侗進城鄉人幼不好嬉長益刻苦自勵登第後以外艱歸服除任江南懷甯知縣縣為負郭劇邑賦役繁重而耗倍他縣盛昌下車悉蠲除之舊例有茶果銀三百歸之令歲終吏抱以進詰之吏以例白曰吾所奉者理耳例所不問也此而遣之歲旱禱於龍泉山神不應迺檄以文約三日不雨且焚其廟翌日大雨如注民大喜曰此我公雨也為政嚴明人不敢犯而潔已奉公毫髮不苟初筮仕有詩云經綸事業英雄骨鐵石肝腸菩薩心可以見其素履矣充雍正丙午同考試官所取多知名士輿論翕服

雍正元年癸卯 恩科于振榜

帥念祖 字宗德號蘭臯我次子初揀發湖廣以知縣用甲辰引

見奉 旨帥念祖氣度不同以知縣用甚屬可惜卿等可於乾清門將伊

考試并詢問漢九卿有知道他者著具摺保舉於是相國朱軾

欽命詩題賦得所樂在人和試日

頒筆墨賜克食即蒙

恩旨著以庶吉士用散館授編修與修一統志改御史遷給事中

庚戌分校會闈視學浙江時奉

詔舉博學鴻詞念祖所舉皆知名士浙人至今能道之分巡大名

道清河縣民某為仇家所殺獄逾年不決念祖夢衢路三

少與周學健為連壁堂友梓其豫章書院課藝日帥周合

稿當時無不誦習者工詩善繪事

國朝指頭畫始於鐵嶺高其佩念祖繼之遷西安布政使再

護理巡撫事緣事謫軍臺卒於戍所念祖定考試規條

荷蒙荷蒙荷蒙荷蒙荷蒙荷蒙荷蒙荷蒙荷蒙荷蒙荷蒙荷蒙

皇上天恩畀以浙江學政重任受事以來夙夜冰兢誓矢公慎

以期仰副

聖天子造士作人之至意今巡歷歲科兩考深知學政關防向

來嚴密考試條例尚未周詳每致不肖之員得滋弊竇清

慎之吏易涉嫌疑自非詳立科條無以肅清學校謹就臣

奉新縣志

芻蕘之見據實具陳仰祈我

皇上睿鑒採擇焉

一學臣考試印記桌號紅簿宜改歸提調

官管理也查向來生童試卷提調官彌封之後造具編號

紅簿解送學臣於卷面及簿內兩處親印桌號木戳俟印

畢之後將桌號紅簿發提調收貼學臣持卷點名分給生

童交卷之時揭去浮簽學臣惟憑桌號閱卷以為去取此

卷八

人物一進士

黃緣之弊自無由而入矣 一 生童交卷桌號亦宜彌封也伏查科場定例受卷彌封俱在外廉試官惟憑文去取是以無從作弊今學臣閱文苟有卷面桌號可查則關通照外巡捕官一員學臣閱文苟有卷面桌號可查則關通照會之弊猶恐不免莫若并令提調官每場委內巡捕官一員協同教官於收卷之時揭去浮簽將卷面桌號一併彌封鈐蓋印信彙送學臣校閱去取既定即發提調官拆封招覆出案如此則考試關防益加嚴密學臣於生童桌號併無查考雖極不肖之員亦無從更滋弊竇而學政無不肅清矣 一 武職會考外場弓馬宜調用鄰府之員也伏查定例學臣考試武生童外場弓馬會同武職一員令其監射立法至善但武生童平時學習弓馬多與營汛弁員往來迨入學之後又須移會營員月課校射是以武生童每與武職熟習及至會同學臣考試則徇庇賄託之弊在所不免非所以重學政而秉至公也臣請嗣後武職會考外場之處務於臨時令提調官調請鄰府武職一員尅期會同考試則弓馬優劣技勇高下一秉至公而武職徇庇賄託之弊自除矣 一 考試內外場之例宜更定也查學臣按臨歲考先儘文生童考試發案完畢然後開門校閱武生童騎射挑取好字號再考內場以爲去取現在奉行

奉新縣志

卷八

人物一 進士

三

之例也但學臣考試惟武場最易滋弊蓋試事未竣先開門校射書辦跟役線索易通一也挑取技勇好字號人數無多棍徒招搖撞騙每易墮其術中二也既重外場技勇另立字號則彌封桌號勢所難行三也是以考試武場學臣雖極清慎必不能剔清積弊臣再四思維惟有先考內場分定等第之法請嗣後學臣考試文生童發案完畢即接考武生武童內場其彌封桌號紅簿悉照文生童之例虛公考試閱定甲乙俱照生員例分爲六等於會考外場之日先發交提調官收貯然後校閱技勇亦各分爲六等虛公酌定填註入冊提調官然後將內場試卷拆封填冊呈送學臣與外場查對其武童生除內外場各在五六等者不准錄取外其入學名額先儘內外場俱在一二等者如不足額次及一場在一二等與一場在三等者又或不足然後取內外場俱在三等或一場在一二等而一場在四等者至於足額而止至武生員等第亦仍歸學政查對外場酌定優劣另行提調官發案如此考試武場至公至明書役無所關通棍徒無從撞騙內外兩場弊竇肅清而習武生童咸知內外並重自必益勤學習不惟學政嚴肅而於學校實大有裨益矣 一 生員遊學患病欠考者定限三箇之弊宜整飭也查定例生員遊學患病欠考者定限三箇

月補考無如浙省諸生遊學有欠兩考三考併欠至四考五考者此豈遊學十餘年從未歸家殆亦玩視學政雖歸亦不補考甚有欠考之後公然在家詞訟官司犯法生事者若概加寬容則士習何由整飭臣請嗣後學臣歲考凡有遊學患病欠考生員俱行知該府縣地方官存案凡遇有本生在籍詞訟官司或犯法生事者立即詳報學臣押送外仍以劣行註冊若所犯情罪重者徑以劣行革除其該教官凡遇欠考各生回籍之時先報明學臣即日申送補考如教官徇隱本生犯法生事被州縣官查報或被旁人告發者該教官即以徇庇劣生例參處如此則欠考規避之輩知所顧忌而學政益嚴肅矣以上各條臣為清釐學政起見不避積陳芻蕘之愚可否採擇惟祈皇上睿鑒勅部議覆施行

乾隆元年丙辰金德瑛榜

涂錫禧

字迎昌號品峯法城人任刑部主事時即職獄山東賑卹江南所至均有賢聲游陞本部郎中總理各省秋審案件名總辦畫一處前所未有也侍郎周學健出撫福建以錫禧才華敏瞻辦事勤能疏請帶往幕中

奉新縣志

卷七

人物一 進士

三

諭

刑部要緊衙門需幹員辦理涂錫禧不便在行旋充律例館纂修官斟酌平允盡善上官保薦道府適遭疾告歸在籍二十餘年邑中公事如漕務等類恒力為拮据頗愜鄉評卒年八十四

甘志道

字念茲號樹晚涉城鄉人知廣西灌陽縣前令卒貧不能歸櫬厚俸之灌地貧艱於輸賦志道令先人者減其耗羨民爭完納食鹽官運官銷吏與民交累志道立官舖戶給印簿以稽出入鹽價以平得糶人間田一區創興義學由是糶人始知文義又增書院膏火及常平倉穀邑舉行鄉飲酒禮自志道始以聖悞落職歸十餘年卒年四十九

二年丁巳

恩科于敏中榜

趙開元

字希輅號質齋下坊人知河南湯陰縣調新鄉歲饑救荒之策無不實心為之捐建鄘南書院養士課文科名大盛再調武陟地當沁衝督辦隄防堅固無水患擢刑部主事陞郎中總司秋讞於每次情實案犯冊籍

悉心勘校寬嚴悉當選雲雨楚雄知府以年老畱部尋告歸築室城北購書萬卷涵泳其中卒
帥家相字伯子號卓山原字璞山我之孫七歲解聲詩弱史改吏部文選司主事出知廣德州值州境荒請發帑按戶賑卹民獲大甦州有潢水塘澄濁視州牧賢否自宋范仲淹治郡後至是始再澄焉歷知蔚州轉直隸深州擢廣西潯州知府護理右江道因公降級赴都謁選卒

七年壬戌金銜榜

甘爲仁字克復號理齋法城鄉人授徒里中多所成就任大雨蝗頓息汝水決姬家爲家二口力請賑貸前後捐銀三千餘工得完固舊例歲輸絹若干官賤直給織戶爲仁改依市價歲收倉穀革重耗及解任橐無餘金後任贛州府教授卒於官年五十二

十年乙丑錢維城榜

張星景字行之號匡麓燃能子乾隆元年舉博學鴻詞後登第知河南魯山縣甫下車卽捐俸倡修學宮置

奉新縣志

卷八

人物一進士

吳

書院膏火會水災盡心賑卹多所全活去官寓南陽主講
趙春福字疇五號惕齋開元弟授戶部主事陞吏禮部員外郎中充會典館纂修官擢雲南知府時征緬匪辦理軍需皆中肯綮郡兼稅務值軍興旁午賈販不前課多缺春福潔身釐弊商至如歸時調師節次入滇春福列軍校道旁俾按隊入城市不改肆有屬吏借公科斂立劾之所部肅然兼理驛傳鹽法肅鹽政杜私販官吏莫能爲奸尋調任武昌去之日民奉槃水加鏡於道左送之謂清如水明如鏡也署武漢道左遷歸囊如洗僦屋以居年六十六卒於家

涂錫穀字嘉植號穆軒法城鄉人爲諸生以文名一邑官無濫刑爲鄉試同考官得士皆俊彥調鎮遠縣勤勞有加署清江通判事因公望吏議去日士民遮道攀轅者接踵錫穀口占一聯云輿前淚眼觀今我馬上行囊是故裝可想其居官之大概矣丁外艱服闋選南康府教授告歸優游林泉者二十餘年卒年八十有四

徐維綱字三立號介亭建康鄉人官浙江永嘉縣縣故海
鬼巫憑淫祀妄言禍福維綱使人重傷巫巫訴之庭維綱
曰無害也神必福汝已而巫死集邑民諭之曰神不庇巫
神無知也祀之何為燬其廟逐眾巫聞者稱快歲饑不俟
報請開倉賑恤永人德之即治所燬巫廟祀焉後任湖南
耒陽縣望吏議落職卒於湖南

十六年辛未吳鴻榜

宋五仁會試第四名字靜山號慕劬三汶子幼孤育於祖
母熊病噎不食數日五仁亦不食禱於神請減已算益祖
母算弟五義郭出也五仁攜持出入如左右手詩文皆有
法制義尤工里中多誦習焉任九江教授二十年勤於職
溥人至今頌之年七十歸母朱已九十相依如孺子朱歿
哀喪服闋卒祀鄉賢

十七年壬申八月 恩科秦大士榜

奉新縣志

卷八

人物一 進士

七

甘立功

字維敘號澹泉禾次子由庶吉士派習 國書授
編修已卯典陝西鄉試疾卒於西安官邸年僅二
十九立功讀書過目成誦為文章下筆千言工緻絕倫為
人謙抑和易咸以未竟所用惜之

十九年甲戌莊培因榜

徐維綸

字辰掌號蕙畝維綱弟幼應童子試知縣趙知希
奇其文拔第一長益精研於學會試理學策冠塲
為主司所劇賞改翰林院庶吉士乞假歸假滿入都申途
忽咯血急返舟閉戶養痾侍母旋卒年四十四性孝友父
病衣不解帶者累月季弟維統早卒無子以兄子嗣之撫
愛倍至弟妻得以守節被 旌焉 按府志誤作維倫今
改正

王世仁

字德先號省齋奉化鄉人父士偉精於醫活人無
算世仁處貧力學通籍後知直隸南樂縣調漢家
縣廉明斷獄案無留牘一切差役毫不累民上下安之任
歲餘因公落職歸時不能治裝起袁州府教授未任卒

二十二年丁丑蔡以臺榜

徐曰明 字東啟 號曉窗 建康鄉人 十二歲補郡庠 名籍甚 講學不得孝廉 朋珏者 師徒徒步 追送百里 外曰明歸 朋珏卒 曰明千里往哭之 選四川雙流縣 知縣常躬詣田 間勞民疾苦 有兄弟爭訟 諭以理 皆感泣 罷去 城久圯 勸 捐萬餘兩 不數月 工竣 在任一載 循聲大著 以勞瘁卒 民 祠祀之

涂祖瀾 字有容 號恕齋 法城鄉人 性強毅 選授山東黃縣 知縣 黃有濠 猾王某 捐主事 前令皆倚任 民苦之 祖瀾抵任 後王醜 以金卻不受 尋因事杖其僕 責譏祖瀾 令禁豆油榨 王出抗撓 祖瀾竟毀其榨 訟

會正浩 鄉榜名 灑字翰遠 號東臯 奉化鄉人 初任浙江湯 親往為文 以祭是日 大雷雨 震蛟死人 稼皆無恙 咸比之 韓昌黎 治潮云 時大軍 剿金酋 委辦白土 坎毛 牛葵 三站 軍行無誤 越五載 事平 以一等軍功 報最 擢山東甯海知 州 未履任 以老乞休 卒於家

金光斗 字冲南 號葆菴 又號槎亭 北鄉人 分發甘肅 知縣 署崇信 補漳縣 陞狄道 知州 舊有洮河 日久淤塞 賴治東 超然書院 楊椒山 所建 屋址存 捐俸 新之 延名 師 選俊 秀 肄業 其中 人知 向學 值旱 災 具文 申報 先發 銀 米 賑濟 上官 怒 欲劾 之 光斗 持議 不屈 卒得 請 全活 甚眾 民呼 金佛 調涇州 以親 老 不能 迎養 援例 授刑部 湖廣司 郎中 尋告 歸 先是 光斗 父天 彩 因事 牽連 解部 質訊 光斗 隨父 徒步 晝夜 行三 千餘 里 大 學士 傅恒 訊天 彩 無辜 得 釋 謂之 曰 汝子 頗孝 勉其 讀書 上進 及成 進士 大臣 揀選 傳恒 見光 斗 謂 同列 曰 孝子 果中 進士 人不可 不敦 本也 家居 養親 親歿 哀毀 旋卒

二十五年庚辰畢沅榜 恩科王杰榜 熊家振 字力成 號筠莊 從善鄉人 初知陝西汧陽縣 事為 以為 知人 汧俗 舊無 桐茶 樹 家振 自南 方攜 種 教民 植之 又勸 以蠶 桑事 民咸 利 賴調 扶風 修班 固馬 融墳 廟其

奉新縣志

卷八

人物一

進士

三

二十五年庚辰畢沅榜

金光斗 字冲南 號葆菴 又號槎亭 北鄉人 分發甘肅 知縣 署崇信 補漳縣 陞狄道 知州 舊有洮河 日久淤塞 賴治東 超然書院 楊椒山 所建 屋址存 捐俸 新之 延名 師 選俊 秀 肄業 其中 人知 向學 值旱 災 具文 申報 先發 銀 米 賑濟 上官 怒 欲劾 之 光斗 持議 不屈 卒得 請 全活 甚眾 民呼 金佛 調涇州 以親 老 不能 迎養 援例 授刑部 湖廣司 郎中 尋告 歸 先是 光斗 父天 彩 因事 牽連 解部 質訊 光斗 隨父 徒步 晝夜 行三 千餘 里 大 學士 傅恒 訊天 彩 無辜 得 釋 謂之 曰 汝子 頗孝 勉其 讀書 上進 及成 進士 大臣 揀選 傳恒 見光 斗 謂 同列 曰 孝子 果中 進士 人不可 不敦 本也 家居 養親 親歿 哀毀 旋卒

二十六年辛巳 恩科王杰榜

熊家振 字力成 號筠莊 從善鄉人 初知陝西汧陽縣 事為 以為 知人 汧俗 舊無 桐茶 樹 家振 自南 方攜 種 教民 植之 又勸 以蠶 桑事 民咸 利 賴調 扶風 修班 固馬 融墳 廟其

欽派內

聞上即

田為民所侵占者悉斷還之金川用兵扶風當孔道軍需
旁午家振措辦得宜以卓異薦陞廣西象州知州丁外艱
歸卒年五十有二

甘山 庚辰中式字黛登號齋林汝來從子由安義教諭
登第授霍山令向例承辦貢茶薪炭取諸民至有

不保其墓木者山始至即除其弊鹽商歲助辦茶銀二千
兩山卻之不受例價不敷足以廉俸無絲毫累民衡山書

院燬於火購民房屋改建又倡修邑乘編輯刪訂具有條
理方授梓因公入山回署疾作而卒民感之祀於迎水寺

嚴盛日 宇健若號惕吾進城鄉人官四川通江知縣甫入
倉穀得萬餘石即出糶以濟饑民吏以艱於買補告盛日

日弗與汝事吾自為之不忍吾民填溝壑也齋沐禱雨雨
應期如注民歡呼曰嚴公雨自是歲大稔買穀補倉民爭

輸納鄉村苦囑匪之擾盛日設法防禦匪不敢入境民吳
某與姪訟久不決盛日至誠愷惻諭以孝慈二人感泣訟

遂息俗婚姻以見面一揖為定名曰落拜無書帖久之輒
悔婚往往與訟盛日教以行婚帖其俗遂革兼攝南江有

向氏孀婦被滿氏子強占為妻誣以再醮累控不白盛日
廉得其實一訊而服立判婦歸向氏人皆快之望吏議歸

奉新縣志

卷八

人物一進士

堯

廉得其實一訊而服立判婦歸向氏人皆快之望吏議歸
卒於家年七十

二十八年癸未秦大成榜

帥光祖 辛巳中式字宗文號葯房我幼子為諸生時巡撫
白潢學使王思訓徵各屬知名士肄業豫章書院

光祖兄弟與焉鄉舉三十年始成進士性沈靜讀書至髦
不輟駢體文尤工乾隆庚午修縣志人物一門皆出其手

選臨江教授未任卒著詩文十餘卷藏於家光祖奉檄
入志局次昌黎南山詩一百二韻呈邑侯余明府兼東同

事諸君子圖經啟元祕山海矜藝園詭怪絕窮荒至理妙
尋究邦至掌內史版籍惟正授九州若星漢一靡遺漏

昔聞輔軒使問俗所經觀星纏盡疆野區域互奔湊採風
辨宮羽聚米垆圖繡豈徒驚廣遠治道所通透祖龍奮秦

炬湮落遺簡茂置郡如犬牙參差列屏岫古意亦已渺相
因久遷就紛紜似冰裂錯雜同鳥蜀職方記殊趨十道異

頑秀編警謬三豕重沓類四耐詎止汗牛馬更啻作版覆
著書一何難卓犖誰傑構河渠稱史腐志地珍沈瘦

聖朝 統寰宇聲教溢遐宙車書集絃絕文治匪雕鏤亥章勞趾
步萬里踰廣袤揚州古淮海禹貢占斗候篠蕩敷青華鶴

鷺飛羽筵九江滙西南形勢占丁戊厥水曰章貢探源出
乾寶西山勢蜿蜒飛泉自鳴漱山川舊吳楚風習猶雜採
於赫制府公榮戟森清畫助華泐彝鼎功業薄浮瀝陳詩
採毗豎馴俗被猿狖折衷會羣言中立迥不仆下邑本巖
壤樸畧譏莒陋譬如望宮牆何以窺美富館局效編摩迺
復及下走撫心懼越俎仰德欣在宥珺珺雜瓊玖賈用知
不售還疑襪線短勉力絕旁祐披圖覽前代頗訝涉塵垢
濫觴笑玉卮止咎慚井發茫然莫稽疑矯首空恂愁粵維
古海昏淮南邑名舊徙置湖神龍遷分亦云又其北曰龍
山屬蠡若蹲踞登高瞰萬井體尊孰能寇迤西為華林鳥
道絕攀救側聞正德際巢賊比饑穀糜兵越數載敷功未
聞奏烈哉周吳死遺節表氓貿稍北歷嶺岷百丈茲邈近
縱日盡全楚忍矚勞頸脰唐宣亦訛傳鄙事駭愚瞽即今

宸章

金碧麗簷溜勝蹟用以彰弗煩記反覆河源此東注馮水
出其右長橋偃晴虹鯉石攢甲胃川原斯以曠無事嗟遊
臭精華所鍾結盛美洵足副章編紛遺忘脫簡飽龜鼯微
文探祕檢攷獻諮髮皴太史尉建昌拒警稱善鬪誠齋本
儒者著異馴雉雒寓公仰濂溪蘇黃轍相轅繼迹者誰子
劉左軼馳驟甘棠廕崇柯俎豆芬祠佑立懦資高標矻俗

奉新縣志

卷八

人物一進士

罕

賴針灸學然望前哲鐘鼎訪遺籀在唐代永明詩人似雲
逗春虛起新吳學古以為壽江東本漢域舛戾得疑購展
轉類喻乳淺學媿詎譎在宋稱時夫九經重童幼韻府事
排纂援據頗不謬迄今學士家什襲寶飭節卓哉西山老
賈志埋棺樞勤王奮戎馬議禮辯橙桓孤忠痛攀髯巨識
允搏獸在明號多材南鳥羨匡鸞宋蔡六卿長清望相先
後余鄧矢批鱗勁節終永畱賤子釋史傳喟然憤讒媮緬
維先中丞借劍稱領袖如何丁時艱絕筆泣西狩邈焉念
前徽掩卷一搔首

皇代

誕文教盛氣鬱饋饈光天俾雲漢有美期必收所以彈丸
士亦得備籠籠餘侯維楚材為政茂薪樵探古洞觀火決
疑封分絲鼎鼎一百載際運當復姤發凡盛規矩鉅典茲
以邁始聞讀九邱終信羅列宿駑駘凡乘棧豆驚上廡
豈謂叨湔拂塵濁更明琇篝燈坐清夕仰首瞻屋雷傳草
三百奇萬言自怩忸魏穢固自矢劉長敢云懋閱月兩甲
癸經理費營賸追逐感羣公道德珍勸侑帝夫何如千金笑
顧心已疚願言托毫穎幸或免詛呪傲帝夫何如千金笑
酬飫矢詩擬拊盆風味還自嗅詎敢誇醕美無勞日三醕

三十一年丙戌張書勳榜

鄒玉藻

辛巳中式字位元。號西麓。從善鄉人。朝考第一。官翰林院編修。湖廣道監察御史。乾隆庚寅。已亥順

天鄉試。同考官。充三通館四庫全書館纂修官。校勘勤謹。稱職。歸里後。主講。豫章。凡七年。諸生咸敬服焉。

甘立德

字惟一。號純齋。禾長子。官禮部主事。時尙書王安國總理五城平糶事。委立德稽查剔弊。釐好小民

均沾實惠。歷員外郎。中出爲直隸宣化府知府。郡久被旱。戶多逃亡。立德撫循招徠。勸課農桑。流民復業者千餘家。

尤加意學校。郡有柳川書院。捐廉給膏。火延名師。督課暇。則親爲校閱。文風大振。性坦直。清介。自守。人不敢干以私。權口北道。以疾卒於官。

鄒人敏

字功捷。號遜堂。同安鄉人。官河南盧氏縣。再任。福

葬無常。至分骸骨。以眉爭訟不休。人敏痛切。曉諭有負固者。卽以逆案論。其風漸息。修葺書院。暇則與諸生論文。兩

與鄉闈分校。榜首。出其房。改教職。任峽江縣教諭。年六十

四卒。

奉新縣志

卷八

人物一 進士

聖

熊廷聘

字湯任。號莘圃。北鄉人。官刑部雲南司主事。轉吏部考功司。兼理火器營工程。校修吏部處分則例。

記名直隸州知州。丁父艱。回籍服闋。以母病未赴朝。夕侍側。衣不解帶者數月。母卒。杖而後起。未幾亦卒。爲人敦厚。寡言介節。自守。時論賢之。

三十四年己丑陳初哲榜

徐曰都

字中甫。號目耕。建康鄉人。少工詩古文。辭與兄曰

巡獻詩。賜緘一任。長汀縣時。大興朱文正珪督學閩省。引爲忘分。交贈楹帖云。神仙合對蓬萊閣。伯仲同編詩派圖。蓬萊閣在長汀署中。曰都方編曰。明詩及已作爲合稿也。罷官歸。主講書院。垂四十年。宏獎後進。青陽王尙書宗誠。萍鄉劉侍郎鳳詒。其尤所賞拔者。選長甯教諭。任三年。卒。平生著述甚富。嘗訂正舊志百數十條。辨爲補遺。考覈精確。資後人採擇焉。

三十六年辛卯 恩科黃軒榜

彭孕星

字斗占。號小錢。奉化鄉人。少讀書百丈寺。恒經年不出。舉業外。更旁通藏經。於學別有所得。任直隸

聖駕南

廣昌知縣數月卒有勸民詩至今廣人誦之

三十七年壬辰金榜榜

余 瑚 字禹拜一字子六號蘇軒從善鄉人候補內閣中書累官國子監學正助教少負文名年五十三始登第仍留助教任尋告歸

徐曰言

字孔彰號慎齋維綱從子授安徽甯國知縣甫一月丁外艱起任直隸安肅地衝劇產黃芽菜故事

拘民征稅稽應差菜則封園候取曰言立調車輪役法稽菜聽民自輸再任甯晉縣有淀積汗水壅歲為患特濬復之更置閘資民蓄洩水轉為利調河間會永定河決水夜驟至曰言馳騎出郊水及馬腹急護災民入城以萬計集礮戶治粟麥為餅餌按口給食一面開沙河堤以洩水勢及賑至大府令兼督天津兩郡災民無饑者其明年歲稔奉檄採買穀粟是時輔臣和坤攬權其家丁恃勢包納曰言杖之羣服其剛正後保舉辦災各員以此抑不與旋膺卓薦丁內艱服闋揀發粵東大吏耳其名至即委攝曲江粵之巨猾卜姓以博起家事敗籍沒匿產未報曰言立封入官邑故多訟日判數十牘未匝月以勞瘁卒不能治喪民悼惜之曰言居官十餘年所至有聲河間尤著耆老彙其事繪圖十六播為歌謠至今過瀛郡者猶聞頌聲不衰云

奉新縣志

卷八

人物一

進士

聖

四十年乙未吳錫齡榜

陳鳳澹

壬辰中式字澄波號鑑泉上坊人家有藏書恒自探討為文敏而工里中後進多所沾溉充

武英殿四庫館校書官直隸束鹿知縣卒於任 按鳳澹府志誤作奉澹

余心暢

字卓爾號介軒從善鄉人知安徽太湖縣湖俗搆訟多所牽累或架空詞誣良善心暢痛懲之其風

乃息戊申歲邑被水坍塌十餘里心暢逐戶給賑存活無算又力請於上官凡受災田畝皆得免一歲糧書院舊存租不敷膏火出廉俸佐之文風丕振趙殿撰文楷其所造就者也治湖六年以聖誤去官去之日送者相屬於道皆出涕改就信豐訓導引疾歸太湖人思之不置復延至熙湖書院講席後以老辭歸卒

謝士廷

字邦幹號梧巖建康鄉人官湖北穀城知縣甫蒞任值荆州老龍堤決士廷奉檄分段修築不辭勞

瘁堤成議救調棗陽未幾復任穀城嘉慶丁巳教匪起襄
鄖穀城界其中城有總兵駐劄是時出剿辰州營兵不及
二百士廷急募鄉勇激以忠義出與賊戰擒斬偽都督胡
英黨羽解散穀城得無恙難民投避者數千士廷請發倉
米賑之皆賴保全總督畢沅上其事奉
旨記名尋以擒獲教匪童紹虎功如同知銜仍理縣事士廷以文
吏泄武事意氣豪邁嘗督民兵禦寇執大刀策馬獨前謁
將軍明亮德楞額泰於軍營指陳形勢侃侃而談將軍曰使
州縣官盡如爾者教匪不足平矣在穀十五年四為鄉試
同考官又創建筑陽書院修復前明死事縣令阮之鈿祠
民愛之稱謝青天以目疾告歸年七十有四

四十三年戊戌戴衢亨榜

徐冕南 字冠士號克齋奉新縣人官刑部奉天司主事分
部後即請假回籍授徒里中不與外事為鄉里矜
式卒於家

四十五年庚子 恩科汪如洋榜

奉新縣志

卷八

人物一 進士

聖

甘立猷

字惟翰號西園禾四子由庶吉士散館授編修充

武英殿三通館纂修官戊申典試河南庚戌分校禮闈所拔
多知名士石殿撰韞玉其一也先是立猷之祖莊恪公汝
來分校癸卯會試得于振是年殿試第一人以為奇轉御
史遷兵科給事中轉戶科掌印給事中巡視東南兩城糾
劾皆當軍民安輯因事左遷刑部員外郎旋領東倉監督
以疾卒於官其奏議尤著者請嚴行保甲實覈兵額並請
在配竊匪赦後復犯到配者不赦回以絕盜源皆深慮
遠計之言向例會試覆試兩文一詩多以字句疵累罰停
數科者立猷請改用一文一詩字句微疵無關弊竇者酌
請免議至今士子賴之工詩文至老著述不倦有專集行
於世

宋鳴珂

字楮桓號澹思五仁次子乾隆庚寅學使汪廷璣
試南昌決科技為九學第一登第後歸原班謁選

以新例任南城兵馬司指揮卒於任少負異稟尤長於詩
問學於桑主事調元陳布政奉茲二人詩皆追摹老杜三
十後專以同邑帥家相為宗論者謂卓山集佳處不減杜
陵鳴珂詩亦不減卓山云

四十六年辛丑錢棗榜

涂日烜

字岫舒號向齋一號山曉同安鄉人官直隸完縣知縣調清苑陞保定府同知山東泰安府知府未

任卒年四十四完民差役舊例民七旗三有武舉某把持旗籍專出於民其來已久日烜廉得其奸狀詳革之而旗差始復舊民苦供柴薪急則至伐梨棗樹以應日烜請於大吏獲立碑免除捐廉重建書院鄰邑多來就學任清苑

聖駕西巡日烜跪道左

上駐日久

謂總督劉莪曰此人似方觀承汝好教之觀承直隸總督敏恪公也

賜荷包

綵緞日烜益感奮由同知署保定正定河間知府所至革除陋規戊申八月段文經滋事大名總督領兵出而保定

獄囚先與文經約脫刑具挺身將出矣日烜夜請兵圍獄清晨眾畢集一武弁入擒犯為所傷羣相視愕然日烜率壯役直前縛一人餘不敢動皆就擒日烜為諸生時循循若處女及泄官強幹所至有聲人皆異之

嚴廷典字聖言號義亭進城鄉人父志洪諸生早卒事母以孝聞受書於大父增貢生盛昕日記數千言任

奉新縣志

卷八

人物一進士

器

甘肅西和縣俗醕樸尙武少文廷典捐俸修上鹿書院暇輒與生徒講論其中士風始振內艱服闋知廣東高明縣治北濱大澤多水患廷典相地形勢修永安亭以障之民咸倚賴後謝病歸著有義亭文鈔詩鈔燕遊宦遊草郵籤集粵遊草兀兀編卻老編藏於家卒年五十六

五十二年丁未史致光榜

宋鳴琦

字步韓號梅生又號雲墅五仁四子禮部儀制司主事充校勘四庫書籍官庚戌恭逢

純皇帝入旬萬壽進九言百韻詩

天語褒揄

賞給六緞復充

萬壽盛典館纂修官嘉慶丙辰授禪禮成恭衍十全說一篇復蒙

恩獎資如前官儀曹時凡典禮儀文大章奏多出其手擢祠祭司員外郎

記名御史揀發四川知府時川省教匪滋事鳴琦迭司軍餉兼辦軍務以軍功加二級署敘州府補嘉定府任嘉定時創建九峯書院纂修府志壬戌峩眉卡外猓夷闌入焚掠

前往查辦示以威信夷眾懾服事定後加一級乙丑歲饑捐俸并開倉平糶全活甚眾復修試院捐廉為倡戊辰嶺夷復入滋事奉檄總理後路糧餉駐紮我邊論功議敘加二級俸滿引

見越日
召對
垂問備

至權川南道篆陞廣西鹽法道三權臬篆丙子戊寅兩科文武闡提調官庚申丁卯癸酉文闡內監試官丁卯武闡監試官被議引疾歸屢主講友教豫章兩書院著有心鐵石齋詩集梓藏於家

嘉慶元年丙辰 恩科趙文楷榜

幸 翰 字維周號慕遠進城鄉人知四川鄧都縣初之任

民因公詣鄉乘輿僕從不滿三人民不知其為官也俗好訟輒斃稚女為詐券翰廉得其情罪所生父母反覆曉諭年以憂歸民立祠祀焉年五十五卒於家

四年己未姚文田榜

奉新縣志

卷八

人物一 進士

墨

趙敬襄 字司勳縣市下坊人會試第三名宅近竹岡山故號竹岡生之前一日父青達見星隕屋明日而敬

襄生幼聰穎甫三歲母陳氏襁負於背口授四子書輒琅琅成誦六歲能文九歲試本縣書院即冠軍十一應童子試邑侯甚奇其文拔取正案第二十四入鄉學十五領鄉薦次年同百歲舉人李煒謝

恩見者

咸相褒異壬辰取錄中書乙未會試中第四名文已付梓以策有訛字損棄嗣是公車十上始中式

朝考第十授翰林院庶吉士實錄館纂修官改授吏部主事文選司行走以弟貴興卒乞歸終養授徒講學門下聞達者甚眾自幼日誦數千言成進士後猶不倦所為文章多類宋儒語錄與經傳相發明著書多種見藝文志性嗜酒左披卷右持壺怡然自樂終日亦不醉年七十三疾革無他囑吟七絕一首云魂遊縹緲虛無際命在須臾頃刻間只恐夜臺無紀叟提壺沽酒復空還吟罷而卒

六年辛酉 恩科顧臬榜

嚴暉吉 字君錫號霽臬進城鄉人幼聰敏九歲能文出應童子試時廉訪姜下車課士得其卷奇之携入署

奉新縣志

卷八

人物一進士

吳

讀書弱冠補弟子員第一成進士授內閣中書改粵東豐
 順縣知縣豐故巖邑俗悍喜鬪暉吉鋤其強梗四境帖服
 庚午分校粵闈所拔皆知名士後權湖南道州補巴陵縣
 地當水陸之衝有漢商某遇盜舟劫而沉之湖以救得甦
 訴於縣閱狀地屬鄰境慮捕之急而遠竄故寬其緝盜偵
 之喜揚帆而下暉吉於隘要處擒之一鞠而服歲早蝗禱
 於神往捕立淨絕民踴躍稱善咸立生祠祀之嘗主講席
 多所成就如吳其濬賀長齡兩中丞皆出其門
 嚴 拱 字德星號朗垣盛昌曾孫家貧嗜學幼失怙事祖
 母及母以孝聞官刑部主事知刑名民命攸關遂
 究心例案不敢妄下一字上憲廉其能俾主本司稿嗣是
 一手承辦垂二十年常獄一訟據案不移致忤大吏意保
 送富新倉監督調任中倉監督倉中為積弊之藪拱夙稔
 其情下車後所有漏規悉除之以丁內艱歸籍服闋奏雷
 本部累轉雲南司員外郎湖廣司郎中京察一等簡放直
 隸天津府知府請訓時
 以辦事勤慎例案熟悉褒之赴省值直省案務紛紜即以
 審辦要案暫駐省垣抵任後有匿名訐控滄州盜窩十餘
 家及鹽山慶雲有邪教數百人拱以案情重大藉查旗地
 為名親歷各屬細訪確查事遂白並木株連一人凡聽訟
 一訊一覆而已咸服其神明甫及三月以勞瘁卒於署

徐心田 榜名必思字慎之號芸門維綸孫幼孤家貧不能
 就外傳四子書俱母口授性聰穎十六歲補郡庠
 旋食餼由翰林院庶吉士改授安徽南陵知縣充甲子丁
 卯戊辰癸酉四科江南鄉試同考官南陵歲早鄉人眾藉
 士神入城強官禱神心田大為曉諭眾始解退母為代作
 祈雨疏親自祈禱翌日大雨如注民始翕服喜口此官孝
 心格天也纂修南陵縣志疏載入志心田事母至孝母病
 禱於天願以身代母遺命改就廣文服闋授九江府教授
 後以老致仕回籍復倡集同志勸捐修節孝總坊并祠年
 八十卒於家

七年壬戌吳廷琛榜

徐必觀 字巽占號幼眉曰昶子有綺才弱冠知名會試登
 第以知縣用初任湖北鄖縣旋補蘄水充科
 同考官得士最盛相繼丁內外艱因交代羈楚外數年觀
 察吳聘主西席同僚每邀聯咏有楚江萍合集傳為宦途
 雅話後選福建順昌緝治荏苒問閩安謫遷詔安俗有花
 會陋習胥吏僕從利其分潤必觀悉嚴禁之積弊頓除任

鳳山毀淫祀刑黠巫以祛民惑南路瑯瑯內有傀備山生
番穴也番民構壘堵泉絕漑民將攻之長吏議以兵勦必
觀減從踰險三日至其地番以為神懼舞濬源水利大興
民奉澤被華夷額為壽鄰有巨盜久莫捕必觀設法擒渠
魁盜悉平薦薦人
覲行有日矣畱攝首邑懲攘竊肅闐閩俗漸厚辛卯冬檄辦
颶災民霑實惠自彭湖至瑤瑪蘭先後閱歲壬辰秋回經
嘉義見民紛徙知有蠢動懇設備觀察命呂太守往查中
途遇害嘉義失守郡城戒嚴命必觀守北門賊來路也力
守累月事平論功晉五品秩時鳳山被寇後民猶闕制府
以必觀得民檄往善後闕遂息乃修城解招流亡卹村莊
創夷漸復必觀亦勞瘁回署無疾而終著有是亦山房詩
文等集藏於家

鄧自申 宛平籍字甫及號嵩山瑛之孫

十三年戊辰吳信中榜

李寶中 字孔彰號春蹊從善鄉人幼穎異由湖口教諭登
第覆試一等卽用知縣分發山東親老告近改安

奉新縣志

卷八

人物一進士

署

徽補霍邱縣知縣霍民強悍寶中以德柔之值大旱請賑
濟民賴以全會鄰豫省教匪滋事邑戒嚴諭民無遷移招
募丁勇操練防守值大兵過境一切供應不以累民居家
備極孝養相繼丁內外艱解組歸宦橐蕭然服闋起咨赴
皖遭疾卒旅次霍人士感其遺愛相率仗助櫬乃得旋

十九年甲戌龍汝言榜

帥壽昌 原名慧生字芳並號子定北鄉人幼穎異英姿雋
邁絕倫年十八肄業本邑馮川書院山長邑進士
宋鳴珂以慧業見賞故名慧生年二十一補諸生越三年
食餼又十年嘉慶辛酉固始少宰吳公鑑庵督學江右奇
其才科試擢為拔貢第一大為延譽以國士目之甲子冬
少宰李雲閣視學湖北以壽昌門下生作書招之為襄校
多士適有某亦出少宰門下過湖北緣舞弊通諸幕待決
於壽昌給之事輒止勵志多年卒成進士授翰林院庶吉
士充

武英殿協修官年六十六卒於家壽昌起家為貧孝廉入詞
館謝病後於北鄉倡舉文會為計偕諸公辦裝以償前志
襄其事者孝廉周化溥余成教秀才宋作賓也學士祁寓

藻為之傳

二十四年己卯 恩科陳沆榜

涂崧 字禮門號晉笙錫禧孫選授廣西融縣知縣親老告近改選湖北應城縣知縣充壬辰 恩科湖北

鄉試同考官

張啟庚 字苑春號草堂綬組弟即用知縣歷任湖南沅江衡陽永明會同等縣事道光七年擢首趙金隴反

事平以軍功加知州銜甲午湖南鄉試同考官節相會帥即其所取士也歸里後嘗主洪都芝陽信江雙桂書院講席著有今是軒集藏於家

二十五年庚辰陳繼昌榜

鄒嵩南 字仲山號慕喬玉藻從子性聰慧孝友選授廣東博羅縣知縣以

引見失儀落職處之淡然賦詩自遣歸授生徒論文精當嘗主洪都書院講席

奉新縣志

卷八

人物

進士

吳

道光二年壬午 恩科戴蘭芬榜

賴以立 字陶然號禮庭縣市上坊人朝考入選分發直隸即用知縣到省數月丁父艱回籍王講鷺湖書院服闋題補新河調任東安東安素疲難舊多積案泄任

兩月皆為審理邑稱神明邑有河隄相傳蘇味道所築年久屢潰民苦於水以立捐廉培葺種柳十餘萬株患始免民有蘇公隄賴公柳之謠總督那彥成保薦卓異引

西陵見著 大差題陞宛平京縣纔八月以病卸篆病愈捐免坐補以母老改近 棟發湖北署漢陽時值水災撐簞賑粥全活無

算有富室某爭繼構訟以五千金介人為壽求斷勿繼伴受其票及質訊仍斷入繼當堂出票還之其人愧服舊有

鹽商陋規銀八萬兩詢得其累悉裁之任黃梅時值隄決孔隴新開等鎮工甚鉅饑民待拯孔亟以立抵任稟請勸捐與修捐廉三千金以倡賑濟於挑築俾饑民得傭功受食士民於隄上建生祠以報著有黃梅築隄歌百韻梓行以母病請終養加捐同知歸先是為諸生時唯藉館穀餬口門徒登科第者十餘泊釋褐服官每至一邑訪求利弊讞鞠常至漏三下務當其情故所在有政聲解組後杜

門不出唯以養親教子為事服食無異寒儒而邑中義舉
靡不傾囊相助與帥侍御方蔚甘明府紹烈等倡建登瀛
集重修九天閣咸豐元年夫婦同屆七十其子謀稱觴慶
祝弗許遂獨力捐修延恩寺天姥宮計費白金千餘是秋
次子運揚舉於鄉旋成進士觀政刑部論者謂是好善之
報云卒年七十九著有宜園燹餘草近體詩二卷藏於家

三年癸未林召棠榜

徐盛持字載之一字再生號夢笙日言孫由咸安宮教習
府銘聘為白鷺洲山長嗣應岳藩憲之聘主講友教書院
門下多知名士登鼎甲入詞林歷顯官者甚眾截取選授
廣西修仁縣知縣縣故獠獠雜處地瘠民刁盛持甫下車
編查保甲自備資斧毫不擾民編訓俗歌婦孺誦澆風
一變再任平樂縣有敬修書院久廢盛持捐廉修復公餘
督課士習以端有紳梁某與民爭山案經前任未決盛持
詳勘斷山歸民梁恨捏控撤任後上廉其實調署北流兼
理博白題補臨桂充道光丁酉已亥科同考官陞龍州同
知未到任而卒著有建陵訓俗歌二卷行世寸草軒詩存
四卷藏於家

奉新縣志

卷八

人物一 進士

吳

六年丙戌朱昌頤榜

帥方蔚字叔起一字子文號石邨北鄉人資性英敏七歲
到之器年十四出應有司試學使黃岡李小松侍郎見而
異之擢第一入縣學傅為晏同叔一流人盛為延譽由是
知名諸公閒巡撫江甯秦芝軒侍郎聞之延入節署讀書
與長君遠亭兵部耀會次君修亭工部念會同受業於上
元梅宸邨孝廉孝廉江南名士博學多通而節署多臧書
方蔚益肆力研尋自二十四史旁及諸子文選之屬手錄
成帙彙數百卷學日益富嘉慶十五年庚午科中本省鄉
試舉人道光六年丙戌科會試中式殿試第一甲第三名
當廷對時讀卷大臣當塗黃勤敏公以為是卷古茂淵懿
出入史漢為近三十年所未有以視太傅曹文正公及同
上以書法不工改第二是時都下盛傳方蔚對策家競傳鈔京
師幾為紙貴以第一甲進士授職編修八年戊子科
簡放山東副主考遷湖廣道監察御史稽查祿米倉京察一等
命掌京畿道事因病告歸家居多暇倡捐登瀛集構置租產三

千餘石以惠後學凡舉人會試諸生鄉試童生小試贈盤費卷資各有差又捐建廣華堂置租千石送入縣學為文武新生束修及撥府新生每名送府學束修入千自是奉新新進諸生不復自備束修咸豐中粵匪滋擾據城年餘方蔚團練鄉勇助官兵勦賊凡官兵糧餉勸諭鄉人支應無缺賊退以辦理團練勞

恩加道銜同治九年庚午科重宴鹿鳴時巡撫劉聘方蔚主修省志本邑聘主修縣志十年縣志稿成無疾終於家

九年己丑李振鈞榜
余 熾 字秀三號穎霞從善鄉人中式十二名候選知縣

十二年壬辰 恩科吳鍾駿榜

趙致和 字以育號養吾縣市毓芝子由舉人考取宗學教習期滿引

見以教諭用會試登第後分發湖南補授東安縣知縣遇荒旱竭力賑濟民立生祠署沅江縣值水災發儲救溺民咸賴之充道光乙未 恩科湖南同考官調補耒陽縣知縣因母年邁請假回籍就館為食卒於家

奉新縣志 卷八 人物一 進士 辛

十三年癸巳汪鳴相榜

宋延春 號小墅鳴琦三子翰林院庶吉士改吏部主事游陞刑科掌印給事中歷任雲南迤西道遷按察使

會辦軍務 賞戴花翎護理雲貴總督現官布政使司布政使

十五年乙未劉繹榜

徐樹楠 字南生號讓和豐之子由景山官學教習登第即用知縣分發四川任昭化縣知縣充己亥鄉試同

考官大計卓異以父憂歸服闋復選浙江龍游縣知縣充己酉乙卯鄉試同考官調錢塘縣知縣署玉環同知時樂

清民亂勢張甚樹楠相機防勦俘首惡事平樹楠先以卓異薦內升禮部精膳司主事至是大府以功上請開缺以

同知畱浙尋授東塘海防同知加知府銜奉委幫辦軍務防守鎮東樓城陷殉節

奏聞 議卹追贈光祿寺卿銜入祀京師浙江昭忠祠賞給祭葬撫卹銀兩雲騎尉世職浙江忠義局有傳

十八年戊戌鈕福保榜

廖為庸 字靜常 號鞠裳 縣市上坊人 分發山東 卽用知縣 以丁艱 歸里 卒於家

二十年庚子 恩科李承霖榜

許振初 字佑人 號雲生 獻琛長子 翰林院編修 文淵閣校 理武英殿 提調 充道光甲辰乙巳兩科會試同考 官己酉順天鄉試同考官 現官詹事府右春坊右中允 加 侍講銜 以侍講學士升用

二十一年辛丑龍啟瑞榜

甘晉 字子大 號鶴樵 紹烈次子 官禮部儀制司主事 咸 豐二年 以憂歸 適粵寇 蔓延節帥 曾國藩 素識晉 才 延致幕中 參議軍政 前後以功 四經保

奏累遷禮部郎中 加四品卿銜 並 賞戴花翎 同治元年 大軍克復安慶 晉理營務處 事時 廣德州 有賊自金陵來 降節帥 委晉住 覘情實 晉至州時 已薄暮 風雨交作 踐尸入城 夜分 返舟 遂遭病回 幕中而卒 節帥 悼惜倍常 派員為之治喪 請於

悼惜倍常 派員為之治喪 請於 朝奉 旨贈光祿寺卿 銜 並蔭一子 以知縣用

奉新縣志 卷八 人物一 進士 至

二十五年乙巳蕭錦忠榜

趙潤芳 字育夫 號雨蕉 縣市下坊人 署湖廣東安縣 題補 新田縣 知縣 兼署永桂理 遙通判 新田地 瘠俗 漓

素多 盜患 潤芳力 鎮撫之 民遂 相安 咸豐二年 有桂陽州 白水洞土匪 李觀隴 獅子等 糾眾千餘 由永桂直撲 新田

縣城 潤芳潛謀 設伏 巡城 勵勇 親冒矢石 用火 罐火 炮燒 燬城外 牆屋 壓斃 賊匪 無算 尋密諭 健勇 縋城而下 殲擒

過半 以次 勦平 兩湖 總督程 喬采 專摺 具 奏 復捐 廉修 葺城垣 為善後 之策 年七十四 卒於家

咸豐三年癸丑孫如僅榜

賴運揚 字香石 號頌輝 以立子 聰慧 敏捷 官刑部 安徽司 主事 辛酉 粵匪 入奉 邑 運揚 帶鄉 勇二百 餘人 與

賊 抵敵 殺賊 二十 餘首 後因 餉竭 中止 著有 耐鄰 室詩 稿 二卷

九年己未孫家鼐榜

余九穀 字稼甫 號石孫 成教 孫考 取景山 官學 教習 現官 戶部 雲南 司主事

同治二年癸亥 恩科翁增源榜

許振禕

字偉人號仙屏獻琛五子現官翰林院編修軍功

賞戴

花翎加五品銜同治八年充貴州補行己未辛酉壬戌三

科鄉試副主考現官陝甘學政

宋家蒸

字雲浦傳薪幼子署安徽歙縣知縣

四年乙丑崇綺榜

甘杰

字枚臣號次莊紹曾孫現官翰林院檢討

甘啟運

榜名需仍改原名字雨人號篤生法城鄉人考取

見以教職用壬戌大挑二等選授德化縣訓導會試登第分發

湖南署理新化縣知縣現任安仁縣知縣

余澍千

字穀祥號似村振采子由龍泉縣教諭登第以知縣即用署理福建福鼎縣知縣加同知銜

七年戊辰洪鈞榜

奉新縣志

卷八

人物一 進士

至

嚴必大

字繩孫號希周盛日曾孫現官戶部山西司主事

十年辛未梁耀樞榜

甘常俊

字用章號甸方法城鄉人大挑二等會試登第現官吏部稽勳兼文選司主事